



Ka Rukom Pyniaid Kam

Na ka bynta ki Nongialam Balang

Ka Kot Iarap

Ka Thup #1

**“Kaba Iarap Ia Ki Nongialam Balang Ban
Pyniaid Beit Ia Ka Kam Jong Ka Jingshakri
Kaba U Blei U La Khot Ia Ki Ban Ialam”**



© 2010, 2006, 2002 by Barry Voss
FaithLife Ministries, Inc.
www.faithlifeministries.net
Phone: (770) 492-4903
Email: BarryVoss@comcast.net

Ka Jinglamphrang

La pynkhreh ia kane ka kot pynshai ban iarap ia ki pastor, ki nongtrei balang, ki nongialam ha ka jingpyniaid ia ki kam bad jingtrei kam kaba ki la shimti. Katba ki Seminaries bad Bible College ki pynkhreh ia ki pastor bad nongialam na ka bynta ka kam ialap, jinghikai bad jop mynsiem, kita ki lynnong bunsien kim kynthup pat ia kano kano ka jingpyntbit halor ki rukom pyniaid ia ki kam ki jam ha ka kam jingshakri. Kumba baroh na ki pastor bad nongialam balang ki dei ban ialam ia ki briew, pynbiang ia ki kam ki jam bad shakri ruh ha ki balang jongki, kaba kum kane ka jait jingpyntbit ka donkam palat khnang ban pynkhreh ia ki na ka bynta kata kaba yn sa khot ia ki ban leh shisien ba la pynrung ha ka kam jong ka jingshakri.

U nongthoh u la ai jinghikai bad pyntbit ia ki nongialam balang ha ki lyngkha mission naduh ka snem 1996. Kane ka jingthoh ka la nang iar na ka jingiohi jongngi ia ka jingshakri kaba la bun snem sha ki pastor ha kiba bun ki ri ia ka jingduna ki lad jingiarap ha ka ban ai jinghikai ia ka rukom pyniaid kam. Ka long ruh kaba shai ba kam da don shibun ka lad ban ioh ia kaba kum kane ka jinghikai mynta. Namarkata, na ka daw ba kiba bun ki pastor bad nongialam ha ki ri ba dang kham sah dien ki bym ioh ia ka kabu sha ka jinghikai kumno ban pyniaid ia ka rukom trei kam, ka FaithLife Ministries ka la wanrah ia kane ka lad ban iashem noh ia kata ka jingdonkam.

Ia kane ka kot iarap ban ai jinghikai la pynwandur ha kata ka rukom ban pynioh ia ka jingshemphang bad jinghikai kaba donkam eh ha ka rukom pyniaid kam bad jingtbit kum ki khristan bad halor ka nongrim kaba na ka Bible. Haba ia kine ki atiar bad jingtbit la pyntreikam da ka jingialam bad jingshaniah ha u Mynsiem Bakhuid, ngi ngeit kin pynmih ia u “soh na ka bynta ka Hima” (Kolosai 1:10)

© 2010, 2006, 2002 by Barry Voss, FaithLife Ministries, Inc.

Ia ka hok long trai la tyngkai. Yn ym shah ban pynmih ia kano kano ka bynta na kane ka jingthoh ha kano kano ka rukom, electronic, mechanical, photocopy, recording, bad kiba kum kita khlem da ioh shuwa ia ka jingbit ha ka jingthoh na u nongthoh lait noh tang kaba la shah da ka Unites States copyright law. Ka jingai jingbit ka long ha ia kane ka kot la pyndonkam thikna na ka bynta ban pyniar (khlem siew dor eiei) ha kaba kum kata la shah laitluid bad pynshlur ruh ban kopi.

Shaphang ka FaithLife Ministries

La sdang ia ka FaithLife Ministries ha u January, 2001 da u Barry Voss bad ka Kim Star-Voss khnang ban pynioh ia ka jinghikai bad ki jingdonkam na ka bynta ki nongialam balang ha kylleng ka pyrthei. Ki don ia ka jinghot bad ka jingshithem ban pynlong synran, pynkieng atiar bad hikai ia ki briew jong U Blei sha ka kam jingshakri, khamtam eh ha ki bynta jong ka pyrthei ha kiba kham duna ha ka ioh ka kot na ka bynta kine ki jingdonkam. Ki la pynlong ki jingai jinghikai ia ki pastor bad ki nongialam jingiaseng khynnah, samla bad ki rangbah ha ki ri ba bun da ka jingthmu ban pynroi ia ka jingbit ia ki nongialam ha ka kam jingshakri. Ryngkat bad ka jingpynlong ia ki Konpherens, ki jinghikai kyrpang, ki sdang hi ruh bad pynbha ia ki tiar ai jinghikai lajong kumjuh ruh ki pyrshang ban pynshlur ia baroh ki bangeit ban im ka jingim jong ka jinggeit.

Ka Kim u la long mynshuwa u nongtrei jong ka Children's Discipleship ha ka Balang Christ the Shepherd Church ha Alpharetta, GA ha kaba la shakri sha kumba 500 ngut ki khynnah bad kiba la san. Nalor ka jingshakri kaba ka bat, ka Kim ka la trei ruh palat 15 snem kum ka Manager jong ka Computer System bad ki projek bapher bapher ha ki kompani baheh. U Barry mynta u long u nongtrei bapura ha kane ka jingshakri bad ruh u la don ka jingbit ha ka ban pyniaid ia ki kam lajong palat ia ka 20 snem. U ia kit kam bha ruh ha ka jingialam ia ka jingmane bad ka jingshakri hapdeng ki rangbah ha ka balang jongki. Ka Kim bad u Barry ki la dep shongkurim la 35 snem bad ki don arngut ki khun kiba la heh.

Ka jingsngewnguh

Ngi kwah ban pynpaw ia ka jingsngewnguh jongki ia u Blei, ha kaba nyngkong, na ka bynta ka jingpynlah ban pynurlong ia kane ka projek bad na ka bynta ba u la ai hangi ia ka jingiohi ban pynbha ia kane ka kot iarap ban ai jinghikai. Ngi kwah ruh ban ai khublei ia i Ken Jacques, Daryl Hoh, Doming Orprecio, Ayub Khayo bad David Quispirroca na ka bynta ka jingiarap jongki ha ka ban pynbha bad pynrung shuh ia ki jingdonkam jong kane ka kot.

**Ka Rukom Pyniaid Kam Na Ka
Bynta Ki Nongialam Balang.**

Volume 1

Ki Sker

Ka Thup 1: Ka Jingpyniaid Ia Ka Kam Jong Ka Jingshakri

- Lynnong 1 Ka Jingialam Ha Ka Jingshakri
- Lynnong 2 U Nongialam Uba Kat Kum Ka Ktien U Blei
- Lynnong 3 Ka Stai Jingialam
- Lynnong 4 Ki Nongialam Kiba Iaid Shaphrang

Ka Thup 2: Ka Rukom Pyniaid Ia Ki Briew


- Lynnong 5 Ki Jingai Bakynja Mynsiem
- Lynnong 6 Ka Jingpyniaid Kam Ia Ki Briew
- Lynnong 7 Ka Jingpynbeit Ia Ki Jingialeh Pyrshah
- Lynnong 8 Kaba Pynlong Synran

Ka Thup 3: Ka Rukom Pyniaid Ia Ka Jingdon Jingem

- Lynnong 9 Ka Buit Ban Pyn trei Kam
- Lynnong 10 Ka Rukom Pyniaid Kam Pisa Tyngka.
- Lynnong 11 Ka Rukom Pyniaid Ia Ka Por.
- Lynnong 12 Ka Rukom Pyniaid ia ki Jingpyntip

Ka Thup 1

Ka Jingpyniaid Ia Ka Kam Jong
Ka Jingshakri.



Lynnong 1

Ka Jingialam Ha Ka Jingshakri

“To phin bsa ia kata ka kynhun jong U Blei kaba hapdeng jongphi, da kaba sharai, ym da kaba leh jubor, hynrei da la ka mon sngewbha hi, ym da kaba khwan myntoi, hynrei da ka jingsngew lakloi; ym kiba leh trai khlieh halor ki balang, hynrei da kaba pynlong ialade ki rukom ia kata ka kynhun. Te ynda la pynpaw ia U Nongaplangbrot Rangbah, phin ioh pdiang ia kata ka pansngiat ka burom ka bym sep noh.”

1 Petros 5:2-4

Ki jingtbit kiba khlain ha ka kam jingialam ki long kiba donkam na ka bynta u wei pa uwei u nongialam balang. Khlem kita, kiba bun ki nongialam balang ki ia kynduh mawsiang ban pyniaid shaphrang ia ki jingshakri bad ban wanrah ia kiwei pat ki brierw ha ka mishon jong ka balang. Lah ban batai ba ka kam jingialam ka dei kata ka jingtbit kaba pynlah ia u brierw ban pynkhih ia kiwei pat ba kin poi shaka thong kaba ki angnud. Pynban ka kam jingialam ka long ruh ban don ia ka jingiohi bad ka plan, kaba pynsan ia ki brierw bad pynleit jingmut sha ka ban pyndep ia ka thong. Ha kane ka lynnong ngin ia peit ia ki 5 tylli ki shabi sha ka jingshakri kaba seisoh ha ka kam nongialam.

Jingkylli : Kaei kata kaba u nongialam u don ia kaba la niew ia u ba u dei shisha u nongialam?

Jubab: Ki Nongbud!

***Lada ym don ba bud iaphi, phim dei u nongialam.**

5 Ki Shabi sha ka Jingialam jong ka jingshakri kaba trei kam bha

#1. Ki Nongialam ki pyndonkam ia ka bor kaba pynkhih, ym ia ka iktiar.

Ioannis 10:2-4

“Hynrei uta uba bsut na kata ka jingkhang, u long u nongap jong kita ki langbrot. Ia une, u nongap jingkhang u plie, te kita ki langbrot ki sngap ia ka ktien jong u, bad ia ki langbrot la ki jong hi u khot da ka kyrteng, bad u ialam shabar ia ki. Bad haba u la pynmih noh ia la ki jong, u ia id ha shuwa jong ki, te kita ki langbrot ki ia bud ia u; naba ki ia sngewthuh ia ka ktien jongu.”

- **Ka jinglong nongialam** ka dei ka jingpynkhih.
 1. Phi donkam ban pynkhih ia kiwei sha ka kam
 2. Phi lah ban pynkhih da kaba iai tei ia ka jingshaniah bad jingburom.
 3. Ka jinglong nongialam ka dei ka jinglah ban pynlong ia kiwei ba kin bud mon sngewbha ia ki rai jongphi.

- **Ka Iktiar** ka dei ka bor
 1. Kat kum ka Dikshonari, ka iktiar ka dei:
“ka bor ban ktah lane pynkohnguh, ka jingai jingmut lane ka jingleh”
 2. Ka dei kaba la ai da u Blei ha phi.
“ym don kano kano ruh ka bor lymda na U Blei” - Romans 13:1
 3. Ka iktiar ka wan na kaba la dep, ym na ka mynta.
 4. Ka iktiar ka dei ka jinglah ban pyntreikam ia ki rai jongphi.

- Kumno ngi dei ban pyndonkam ia ka iktiar jongngi?
 - Ban hikai
“Hynrei ma me to kren ia kita kiei kiei ruh kiba dei ia kata ka jinghikai bajanai. To kyntu bad to sneng kum uba donbor.” – Titus 2:1 & 15

 - Ban shakri
“To phin bsa ia kata ka kynhun ka jong U Blei kaba hapdeng jongphi, da kaba sharai, ym da kaba leh jubor, hynrei da la ka mon sngewbha hi; ym da kaba khwan myntoi hynrei da ka jingsngew la klooi.” – 1 Peter 5:2

- *****Ka long barobor kaba kham bha ban ialam da kaba pynkhih ban da ka iktiar jongphi.***
 - Haba phi pyndonkam da ka jingpynkhih, ki briew ki kwah ban bud iaphi.
 - Haba phi pyndonkam da ka iktiar, ki briew ki hap ban bud iaphi.
 - Bunsien phi duh noh ia ki briew na ka jingshakri jongphi.
 - Phi pynmih jingiapyrshah.

#2. Ki Nongialam ki don ia ka jingithupaw

Proverbs 29:18 – “Ha ka bym don ka jingithupaw, ki briew ki kynther noh ia ka adong.”

1. U nongialam u tip shaei u kwah ban leit.
 2. Khlem ka jingithupaw ka balang kam don ia ka jingkdew lynti.
 - Ka jingithupaw ka pynioh hangi ia ka thong.
 - Ka pynshai ia ki jingthmu bad thong jong ka balang.
 3. Ka jingithupaw ka pynroi ia ka sohpdung bad ka thong jong ka jingshakri.
 - Ka thong ba hakhmat eh, kaei ba ka pyrshang ban pyndep.
 - Kaei ba ka kwah ban long lane shaei ba ka kwah ban leit.
- **Ki nuksa jong ki Jingithupaw.**
 1. Ban shna ia ki jingdonkam bathymmai ha ka balang ha ki 12 bnai.
 2. Ban sdang ia ka jaka shet jingbam na ka bynta ki briew kiba duk
 3. Ban sdang ia ka skul Khristan ha kata ka jaka.
 4. Ban iasam ia ka gospel sha ki 10,000 ngut ki briew.

4. Ka jingithuhpaw ka pynlah ia ka balang ban poi sha ka thong kaba U Blei u don na ka bynta jongka.
 - Ka jingithuhpaw kaba la ai na U Blei kam dei kaei kaei kaba ngi lah ban ioh da kaba suk da ka bor lajong. **Ioan 15:5 – “Khlem U Blei ngim lah ban leh eiei.”**
 - Na ka bynta ka balang, ka long kaba donkam eh ban wad ia ka jingialam jong u Blei. **Mathaios 19:26 – “Da ki brier kata ka bym lah, hynrei da U Blei kiei kiei baroh ki long kiba lah.”**
5. Ka jingithuhpaw ka pynkhih bad pynshaitbor ia ka balang.
 - Haba ki dkhot ki ia sam lang ia ka jingithuhpaw, kiba bun kin ia snoh kti lang
 - Ka jingithuhpaw ka ai eiei ia ki dkhot ba kin ia trei lang
 - Ka jingithuhpaw ka iarap ia ki brier ban sngew kumba kiba ia don bynta lang ha kaei kaei kaba khraw

****BAN KYNMAW: Ka Jingithuhpaw kam dei ka jingthoh ia ka jingtrei (mission statement)**

- Ka jingthoh ia ka jingtrei ka iathuh ia kaei ba phi leh, ym shaei ba phi leit.

KUMNO KA JINGITHUHPAW KA SAN

Mawjam #1: Duwai ia ka jingialam bad jingpynpaw jong U Blei.

- Pan kumno U Blei Un pyndonkam iaphi ha la ki jong ki brier lane sha ka pyrthei.
- Pan kaei ba U Blei u kwah iaphi ban leh na ka bynta jong U.

Mawjam #2: Pyrkhat **KHRAW**

- Wat buh pud ialade da kaei kaba phi don
- Shah ba U Blei un pyndap ia kaei kaba phi donkam.

Mawjam #3: Pynrung ia kiwei pt ki nongialam ha ka jingpyniaid shaphrang ia ka

Mawjam #4: Thoh ia ka jingithuhpaw bad pyrkhat ia kiwei pat ki lad katba lah

- Pynlut por ban pyrkhat shaphang jong ki bad duwai ruh.
- Ong lang ia kiwei ba kin ia snoh kti lang hangta

Mawjam #5: Duwai bad jied ia ka jingithuhpaw ba phi sngew ba u Blei u khot iaphi!

Mawjam #6 Iathuh lang ia ka Jingithuhpaw

- Ki nongialam ki dei ban iathuh lang barabor ia ka jingithuhpaw na ka bynta ka jingiatip lang bad jingiatrei lang ruh.
- Kum u nongialam, phi dei ban pynleit jingmut triang sha ka jingithuhpaw.

#3. Ki Nongialam Ki Don Ka Buit-Thaw (Plan)

Proverb 16:3

“To pyntyllun ia ki kam jongme ha U Trai, te ia ki jingmut jongme yn pynskhem.”

- a. U nongialam u pynkhreh kumno ban pyndep ia ka jingithuhpaw
 - Khlem ka buit thaw (plan) phin nym lah ban pyndep ia ka jingithuhpaw
 - Ka jingpynkhreh ka iarap iaphi ban buh ryntih ia ki jingdonkam bad ki jingleh ki ban khynniat iaphi sha ka jingithuhpaw.
 - U nongialam un nym lah ban thawbuit khlem ka jingithuhpaw
- b. U nongialam u pyniaid ia ka mang Blei na ka bynta ka jingithuhpaw
 - U Blei u ai ha ki nongialam ia ki jingdonkam ban pyndonkam
 - U Blei u khmih lynti ia ki nongialam ban pyndonkam stad ia kaei ba U ai ha ki.
 - U Blei u khmih lynti ruh ia la ka nong halor kaei kaba u la bet.
- c. Ka kam jong u nongialam ka long ban thaw buit bad ruh ban pyntreikam ia kata.
 - U nongialam u dei ban iai pynbha ia ka buit-thaw
 - Ka buit-thaw kaba bha ka iarap ia u nongialam ban pynlong ki rai kiba khambha
 - Ka buit-thaw kaba bha ka iada na ka jingpynsepei kai ia ka jingai jong U Blei

#4. Ki Nongialam Ki Pynroi Ia Ki Briew

Luk 9:1-2

“Te u la khot lang ia ki khadar ngut ba u la ai ha ki ka bor bad ka iktiar halor ki ksuid baroh, bad ia ka ban pynkhiah ia ki jingpang. Bad u la phah ia ki ban ialap ia ka hima U Blei bad ban pynkhiah ia kiba pang.”

- a. Kaba nyngkong bad kaba hakhmat eh ki nongialam ki pynlong synran (Math 28:19-20)
 - Hikai bad ialap ia ka Ktien
 - Hikai ia ki ban kohnguh
- b. Ki nongialam ki ai jinghikai bad pyntbit ia kiwei na ka bynta ka jingshakri
 - Ki tip bad pyndonkam ia ka jingai bakynja mynsiem jong u wei pa u wei
 - Pynshlur sha ka jingiashim bynta ha ka kam jingshakri
- c. Ki nongialam ki thung ban pynsan ia kiwei pat ki nongialam
 - Ban pynsan ia ka jingshakri jong ki
 - Ban pynneh ia ka jingshakri
 - Katba nang bun ki nongialam katta ka jingjop ka lah ban nang bun

#5. Ki Nongialam Ki Pynleit Jingmut Ha Ka Jingpyndep

Rom 14:12

“Naba kumta te uwei pa uwei na ngin ai jingkhein shaphang ialade hi ha U Blei.”

- a. Ki nongialam ki pynleit jingmut ban poi sha ka thong bad wanrah ia ka jingmih nangta
 - U nongialam barabor u buh jingmut ha ka jingithuhpaw
 - U nongialam u thew ia ka jingjop da ka jingmih kaba paw shabar
- b. Ki nongialam ki pynleit jingmut halor ka jingiohnong kaba bun eh na kaei kaba ki la pynlut.
 - U nongialam u pyntyllun ia kiei kiei kiba u don sha ki jaka jong ka jingjop kaba khraw eh
 - U nongialam u iehnoh ia ki jingshakri ki bymseisoh
- c. Ki nongialam ki sngewthuh ba ka jingleh ne jingtreikam kam dei satia ka jingpyndep
 - U nongialam u thew ia ki jingshakri da ka jingmih ki kam na ki
 - U nongialam u thew ia ki jingleh ne jingkam da ka dor jongki halor ka jingithuhpaw

Luk 10: 38-42

“Te katba ki nang leit jingleit, u la rung ha kawei ka nongrit, bad kawei ka briew kaba kyrteng ka Martha ka la pdiang sngewbha ia u sha ing jongka. Ka la don ruh ka para kaba kyrteng ka Mari, kaba la shong ruh ki kjat u Trai bad kaba la shahskhor ia ka ktien jongu. Hynrei ka Martha ka la khuslai shaphang bun ka jingkam; te ka la wan ha uba ka la ong, Ko Trai, mem khmih ba ka para jongnga ka la iehnoh ianga bad shu trei jingtrei marwei? to ong ia ka namarkata ba kan iarap lem ianga. Hynrei U Trai u la iathuh bad u la ong ha ka, Ko Martha, Martha, phah khuslai bad phah pynshitom sat ialade shaphang bun kiei kiei ruh; Hynrei tang kawei kaba donkam eh; ka Mari te ka la jied ia kata ka bynta kaba bha ia ka ba yn ym rong na ka.”

(Kane ka Jingthoh ka pyni ia ka bynta ba ka Martha ka la khuslai shaphang ka jingkam katba ka Mary ka pynleit jingmut shaphang ka jingpyndep)

Lynnong 2

U Nongialam Uba Kat Kum Ka Ktien U Blei

“Manga long u dieng soh wain, maphi ki tnat. Uta uba iaineh ha nga bad manga ha u, uta u seisoh shibun: naba khlem manga phim lah leh eiei ruh em. Lada uno uno ruh um iaineh ha nga, la ju bred noh ia u shabar kum ka tnat ka la iap stai noh; te ki ialum ia ki, bad ki bred ha ding bad la thang ia ki. Lada iaineh hanga bad ki ktien jongnga ki aineh haphi, ia kaei kaei ruh ba phi mon, phin pan, te kan long iaphi. Ha kane la pyndon burom ia U Kpa jongnga, ba phi seisoh shibun; kumta phin long ki synran jongnga.”

(Ioan 15:5-8)

Ha kaba ialam ia kiwei, da kaba bud ia ki nongrim jong ka Baibl ka dei lehse kaei kaei kaba donkam tam ba u nongialam u dei ban angnud, namar kata ka dei kaei kaba u Jisu u la wan ban hikai iangi. Wat la ka paw kumba kata kam don jingmut than ia ngi, lada ngi bud hi ia ki lynti jong U Blei ha ka jaka jong ki lynti jongngi, ngin sa ioh ia ka jingshakri kaba trei kam bha. Ngilah ban don ia ka jinglah kaba khraw ha ka kam nongialam, hynrei lada ym shym la pynshong nongrim ha ka Ktien jong U Blei, te ngi long kein kumba ialam ia ki nongbud jongngi sha ka phang kaba bakla. Ha kane ka lynnong ngin ia peit ia ki 10 tylli ki jinglong jong ki nongialam kiba tbit bad ki jingeh kiba ki nongialam ki ia kynduh ha kane ka pateng kaba mynta.

I. Ka jinglamkhmat

Kaei ka thong jong u Nongialam Khristan?

Kam **DEI** Ban shu kiew tang ka jingdon briew bad jingiadon kti lang.

Ka dei ...**Ban iohi ba ia U Jisu la pynlong ha kiwei pat!**

“Ko khun hep jongnga, ia kiba nga suh khun pat tad ynda yn pynlong ia U Khrist haphi.”
(Galatia 4:19)

Kumno u nongialam Khristan u iapher na u nongialam u bym dei u Khristan?

U tip ba – *“khlem manga phim lah leh eiei ruh em!!”* **(Ioan 15:5)**

II. Ki Jinglong ha ka kam nongialam: U nongialam uba lah ban ktah ia kiwei u pyni ia kine harum ki jinglong:

1. U nongialam uba khlain u dei ban long ...**Uba iohi jingai.**

“Ha ka bym don ka jingithupaw, ki briew ki kynther noh ia ka adong...” **Ki Proverb 29:18**

- Phi donkam ban pynthikna ia ka Thong
- Phi donkam ban pynsgew ha kata ka rukom ba kiwei pat ki lah ban ia kem lang ia ka jingithupaw jongphi. Nuksa: **U Moses** (iohpdiang ia ka jingithupaw na U Blei ha ka bniap kaba meh - Ekodos 3)

2. U nongialam uba khlain u dei ban long uba **Pyrkhat ia ka kam Mishon.**

“Ynda kumta u la ong ha ki synran jong u, Ka jingot kaba bun shisha, hynrei ki nongtrei ki khyndiat. Namarkata to kyrpad ia U Trai ka jingot, ba un phah noh ia ki nongtrei sha ka jingot jongu.” Mathaios 9:37-38

- Pynleit jingmut ban leit sha ki bym pat ngeit.
- Sngewkhia shaphang ka jingpynlong synran ia kiwei pat kiba ngeit.

Nuksa: **U Paul** (pynlong shibun ki jingleit missionari – Ki Kam)

3. U nongialam uba khlain u dei ban long uba **Shit Rhem**

“Te mynta to pyndep noh ruh ia kata ka jingleh, ba kat kumba la don kata ka jingsngew la kloia ka ban mon sngewbha hi, kumta ruh kan don ka jingpyndep noh na kata kaba phi don.” 2 Korinth 8:11

- Phi dei ban shim khia shaphang ka jingshakri jongphi.
- Phi dei ban pynleit jingmut sha ka ban jop (jingshitrhem = jingaiti lut).

Nuksa: **U Stephen** (u la aiti lut sha kata ka kam – Ki Kam 7)

4. U nongialam uba khlain u dei ban long uba **Shah ialam ha u Mynsiem.**

“Hynrei phin ioh diang ia ka bor ynda la wan u Mynsiem Bakhuid ha phi; bad phin long ki nongphla ianga ha Jerusalem, bad ha Judia baroh bad ha Samaria, bad haduh bakut ka pyrthei.” Ki Kam 1:8

- Shah ba U Mynsiem Bakhuid Un ialam iaphi.
- Iaisah ban snoh ha u tyllong jong ka bor jongphi- Uba U Mynsiem Bakhuid!

Nuksa: **U Daniel** (un nym len noh ia la ka jingngeit – Daniel 6)

5. U nongialam uba khlain u dei ban long uba....**U Shakri.**

“Kan ym long kumta hapdeng jongphi; hynrei lada uno uno ruh u mon ban long bakhraw hapdeng jongphi, to ai ba un long u shakri ong phi. Bad lada uno uno ruh u mon ban long rangbah hapdeng jongphi to ai ba un long u mraw jongphi; kumba u Khun u briew um shym la wan ba yn shakri ia u, hynrei ba un shakri bad ba un ai ia la ka jingim ban long ka jingsiewspah ia kiba bun.” Mathaios 20:26-28

- La khot ia u nongialam ban shakri ia ki nongbud ym ba yn shakri ia u da ki.
- U nongialam uba shakri u iarap ia ki nongbud ban san bad nang jop.

Nuksa: **U Jisu** (u sait ia ki kjat jongki synran – Ioan 13)

6. U nongialam uba khlain u dei ban long uba **Pynleit Jingmut.**

“Ko parabangeit, nga ngam ñiew ialade uba la lah bat; hynrei ia kane ka wei nga leh, da kaba klet noh ia kita kiei kiei kiba shadien, bad da kaba kner noh sha kiei kiei kiba shakmat, nga beh sha pyrshah ka dak ban ioh ia ka jingäathong kaba ka jingkhoh shaneng ka jong U Blei ha u Khrist Jisu.” Philipi 3:13-14

- Wat shah pynthame da ki daw ki bym shongnia ki bym iasnoh bad ka jingithuhpaw bad mishon jongphi.
- Wat shah ba u Soitan un pynbakla lynti iaphi.

Nuksa : U **Nehemiah** (pynleit jingmut ha ka ban tei pat ia ki kynroh ba la twa jong ka Jerusalem – Nehemiah 6)

7. U nongialam uba khlain u dei ban long uba**Shlur**.

“Te u Moses u la khot ia u Joshua bad u la ong ha u ha khmat ki Israel baroh, To long uba khlain bad uba shlur; naba men leit ryngkat bad une u paidbah sha kata ka ri ia kba U Trai u la smai ha ki kpa jongki ban ai ha ki; te men pynshong ia ki ha ka. Namar U Trai da lade hi u u leit ha shuwa jongme; un long ryngkat bad me, un ym iehnoh ia me, lymne kyntait noh ia me; wat sheptieng te, lymne wat khaweit.” Deuteronomi 31:7-8

- U nongialam u sngewtynnad ban shim ia ka synjam da ka jingngeit
- U nongialam u long lakloi wat ban kheinduh khnang ban ioh ia ka jingjop kaba kham khraw.
- U Blei un pynkieng atiar bad ai bor ruh iaphi.

Nuksa : U **Dabid** (ka thma bad u Goliath – 1 Samuel 17)

8. U nongialam uba khlain u dei ban long uba**Shaniah**.

“To ngeit ha U Trai da la ka dohnud baroh bad wat shaniah ha la ka jong ka jingshemphang.” Proverb 3:5

- U nongialam u shaniah ha U Blei, uba tang ma u hi uba iaineh bad shisha.
- U nongialam u shniah ha u Blei wat haba ki jingjia sawdong ki lah ban i da kumwei pat.

Nuksa : U **Abraham** (ka jingknia ia u Isaak – Jenesis 22)

9. U nongialam uba khlain u dei ban long uba**La Pynkhreh**.

“To men ialap ia kata ka Ktien; to iai minot haba dei por, ha bymdei por de; to da pynkynduh, to sneng, to kyntu da ka jingshahslem baroh bad ka jinghikai.” 2 Timothi 4:2

- Ka jingpynkhreh ka donkam ia ka jingkheinduh bad jingpynbiang lypa.
- Ka jingjop ka dei 1% ka jingai mynsiem bad 99% ka jingpynkhreh.

Nuksa : U **Joseph** (pynkhreh na ka bynta ka nemsniew – Jenesis 41)

10. U nongialam uba khlain u dei ban long uba**Shim Kabu**.

“Te ha kaba leh babha wat ai ba ngin man thait shuh, namar ha ka ia babiang ngin ioh ot lada ngim da duh bor noh. Kumta te katba ngi ioh ka lad babit, to ngin ia trei minot ia kaba bha ha I briew baroh, hynrei khamtam ha kita kiba na ka kur ka jingngeit.” Galatia 6:9-10

- Kynrup ia ka sngi (shim kabu na ki lad kiba u Blei u ai haphi mynta ka sngi)
- Ban peit pyrman ia kito ki lad bad kabu.

Nuksa : **Ka Esther** (ka la pyllait im ia ki briew jong ka na ka jingpynjot – Esther 4)

II. Ki jingeh ha ka kam nongialam

“Bad baroh kiba mon ban im riewblei ha U Khrist Jisu kin shah lehbein.”
Timothi 3:12

Ka kam nongialam ka don la ki jong ki jingeh:

A. Un don tang uwei u nongialam ba ha khlieh eh

1. Long kiba stad
2. Long ki bym leh shiliang
3. Long kiba lah ban pynlong ka rai kaba dei

B. Ym baroh kin shu ia mynjur beit bad phi barabor

1. Pynkhreh lypa ia ki jingeh ha ki rai jongphi
2. Ki brieve ki don la ka jong ka rukom iohi ia kano kano ka phang
3. Long kiba lah ban iada ia ka rai da ki daw ba biang bad ka Jingthoh, ym tang da ka jingsngew

C. Ka long kaba suk ban jop ia ka jingialeh hynrei ban rem pat ia ka thma

1. Wat pynjah noh ia ka thong jong jingithupaw ha ka jingpyrshang jongphi ban pyndep
ia ki kam kiba tang shipor
2. Pynbeit bha ia ki kam kiba la buh lypa ha khmat eh
3. Pynjem ialade, hynrei wat ju iehnoh ia ki nongrim ba phi ieng.

Ka İt bñiah ialade ha ka jinglong Nongialam

Jingbthah : Buh dor ialade ha kawei pa kawei na kine ki jinglong kat kum ka jingbuh dor harum:

1=Niar eh 2=Teng teng 3=Khah khah 4=Bunsien 5= Barobor

Ki jinglong

Katno phi ioh

- | | |
|--------------------------------|-------|
| 1. Ka Jingiohi jngai | _____ |
| 2. Ka Jingmut-Mishon | _____ |
| 3. Ka jingshitrhem | _____ |
| 4. Ka Jingialam da u Mynsiem | _____ |
| 5. U Shakri | _____ |
| 6. Kaba pynleit jingmut | _____ |
| 7. Bashlur | _____ |
| 8. Kaba shaniah | _____ |
| 9. Ba la pynkhreh | _____ |
| 10.Kaba shim ia ki lad ki kabu | _____ |

Baroh _____

Ka jingioh Ka jingmut

baroh

40+	Phi don ia ka jingtbit ha ka kam nongialam. U Blei u lah shisha ban pyndonkam ia phi !
30-39	Phi don katto katne ki jinglah ha ka kam nongialam, hynrei phi dang donkam bha ban nang ai jaka ia ka jingpynbha.
20-29	Ki don ki por ba phi pynpaw ia ka kam nongialam, hynrei phi dang donkam ban san ha kiba bun ki liang.
10-19	Ka jinglah jongphi ha ka kam nongialam ka long kaba tlot. Ki jinghikai bad jingpynbha ki donkam bha ha kane ka liang.
0-9	Phi pynpaw ia ka jingbymlah ha ka kam nongialam. Phi lah ban wad lad ban pynbha lane peit da kawei pat ka kam..

Lynnong 3

Ka Stai Jingialam

“Bad u la thung ia kiwei ban long ki apostol; bad ia kiwei ki nongiathuhlypa bad ia kiwei ki nongiathuhkhana, bad ia kiwei ki nongsharai bad ki nonghikai; ia ka ban pynjanai ia ki riewkhuid ia ka jingtei ka jingshakri tien Blei ia ka ban tei ka met U Khrist.”

Ephesians 4:11-12

U Blei U lah khot ia uwei pa uwei u nongialam ban ialam kat kum ka jinglah jongki khnang ban pynkhreh ia ki briew jong U Blei shaka kam jong ka jingshakri bad ban tei ia ka met jong u Khrist. Kumno te ngin ialam, ka dei ka rukom ba ngi sngew suk shimet shimet. Kum ki nongialam, ngi ialam, pynbeit bad pyntreikam ruh ha ka rukom ka ban ia biang lang bad ka jinglong jongngi, ki jingai bad jingmlien de. Ha kiwei pat ki jingjia, ka rukom ba ngi ialam ka seisoh bha katba ha kiwei pat ka lah ban nym seisoh. Kaba sngewthuh ia ka stai nongialam jongngi bad ka rukom kiwei pat, namarkata, ka lah ban iarap iangi ba ngin nang kham seisoh ha kaba ngi pyntrei kam ia ki jinglah kum ki nongialam ha ki jingjia bapher bapher. Ha kane ka lynnong, ngin ia peit ia ki 4 tylli ki stai nongialam kiba kham kongsan bad kumno lah ban pyndonkam ia ki bad pyntreikam na ka bynta ka jingktah kaba bun.

I. Kiei kita ki stai jingialam?

Ki don 4 tylli ki stai nongialam, kat kum u Goerge Barna ha ka kot jong u, *“A Fish Out Of Water”* (Integrity Publishers, 2002)

1. U nongialam uba **kdew lynti**
 - Uba kum une u nongialam u dei uta u briew uba iohi jngai
 - Uba kum une u nongialam u pynleit jingmut ha ka jingmih ym ha kiwei pat ki jnit ki jnat.
2. U nongialam uba **ka don ka buit trei kam** kaba biang
 - Uba kum une u nongialam u sngewtynnad ban bishar bniah ia ki jingtip bad khein bha ia ka dor jong ki jingjia bapher bapher.
 - Uba kum une u nongialam u sngewtynnad ban pynroi bad pynwandur ia ki jingpynkhreh na ka bynta ka jingithupaw.
3. U nongialam **uba tei ia ka kynhun**
 - Uba kum une u nongialam u kham shim khia ia ki briew bad ban pynrung ia ki briew khamtam ban ia ki kam.
 - Uba kum une u nongialam u sngewtynnad ban pynbeit ia ki briew ban poi sha ka thong jong ka jingithupaw.
4. U nongialam **uba trei kam**
 - Uba kum une u nongialam u pynroi ia ki rukom trei kam ban pyndep ia ka jingithupaw
 - Uba kum une u nongialam u sngewtynnad ban tei ia ka system bad peit bha ia ki jingmih.

II. Kaba pynbeit thikna ia ka stai jingialam jongphi.

Kaei ka stai ialam jongphi?

Kine harum ki long ki jingiathuh shaphang ki kam kiba paw ha ka jinglong nongialam. Pule bniah ia kawei pa kawei, nangta, da kaba pyndonkam ia ka jingthew harum, pynthikna haduh katno kata ka iahap bad phi. Na ka bynta ka jingmih kba bha tam, jubab hok ia ki katba lah..

Kam iadei	Niar eh	Teng teng	Bunsien	Kumba ju long	Barabor
0	1	2	3	4	5

1. _____ Nga pynshlur ia ka kynhun jongnga ban ia shim bynta ha ka pynlong ki rai bad nga pyrshang ban pyntreikam ia ki jingmut bad jingai jingmut jongki
2. _____ Kam don kaba kham donkam palat ban ia kaba pyndep ia ka thong lane ka kam.
3. _____ Burom bad khein kot ia ki briew ka dei ka jingpyrkhat ba ha khmat eh jongnga.
4. _____ Nga bud dien thik pa thik ia ka por ba la buh ban pynthikna ba ka kam lane projek kan dep ha ka por ba la buh.
5. _____ Nga sngewbang ban ai jinghikai ia ki briew ha ki kam bad rukom pyniaid kiba thymmai.
6. _____ Katba ka dang eh ka kam, katta nga nang sngew skuin ia ka.
7. _____ Nga pynshlur ia kiwei ba kin trei da ki buit ba tbit ia ka kam jong ki.
8. _____ Haba iohi ba dei ban pyndep ia ka kam kaba jyrwit, nga pynthikna ba dei ban peit bniah ia baroh ki jnit ki jnat.
9. _____ Nga sngewtynnad ban pule ia ki jingthoh, ki kot bad ki khubor shaphang ka jingai jinghikai, ka kam nongialam bad ka sain pyrkhat, nangta ban pyntreikam ia kata kaba nga la pule.
10. _____ Nga shem ba ka suk ban ia pyndep bun ki kam kiba eh ha ka juh ka por.
11. _____ Ha kaba pynbeit ia ka jingbakla jong kiwei, nga khuslai ioh ka buh jingma ia ka jingiadei bad kiwei pat.
12. _____ Nga pyniaid ryntih ia ka por jongnga ha ka rukom kaba trei kam bha.
13. _____ Nga sngewkmen ban batai ia ki jingeh bad ki jnit ki jnat jong ki kam lane projek sha ki briew kiba nga ialam.
14. _____ Ban pynpait ia ki projek kiba heh sha ki jingtrei kiba rit kiba lah ban pyndep ka dei ka jinglong kaba ar hanga.
15. _____ Ym don ka kham donkam palat ban ia kaba thaw ia ka kynhun kaba heh.
16. _____ Nga sngewtynnad ban peit bniah ia ki jingeh.
17. _____ Nga burom ia u pud jong kiwei pat ki briew.
18. _____ Nga sngewtynnad ban pule ki artikl bad ki kot shaphang ka jingshakri bad nangta ban pyntreikam ia ki rukom trei kam thymmai kiba nga la pule.
19. _____ Ka jingiasyllok ia kiwei ban pynbha ia ka jingtrei kam lane jingmlen jongki ka long ka jinglong kaba ar ia nga.
20. _____ Nga sngewtynnad ban pynbeit bad plan ia ki kam.

Ka Thup Jingioh

Hadien ba la pyndep ia ka jingkylli, thep ia ki jubab jongphi ha kine ki jaka ba suda harum:

Briew

Jingkylli

1. _____
3. _____
5. _____
7. _____
9. _____
11. _____
13. _____
15. _____
17. _____
19. _____

TOTAL _____

(Dibaid ia ka jubab da u 10 bad multiplai da u 2)

Jingioh: _____

Ki Kam

Jingkylli

2. _____
4. _____
6. _____
8. _____
10. _____
12. _____
14. _____
16. _____
18. _____
20. _____


TOTAL _____

(Dibaid ia ka jubab da u 10 bad multiplai da u 2)

Jingioh: _____

Ka bynta Jingioh

Kyrwoh ia ka jingioh jongphi baroh ha ka graph harum da kaba buh dak ia ka jingioh kaba iadei bad ki briew ha u lain ba na jrong shapoh sha ka liang ka mon jong ka syrdoh bad buh dak na ka bynta ka jingioh kaba iadei bad ki kam jongphi ha u lain madan ha trai jongka syrdoh. Nangta sa dro ar tylli ki lain kiba beit na baroh arliang jong ki dot haduh ba kin da ia tyngkhuh. Ka jaka ba ki ia tyngkhuh ka dei ka jingthew ia ka jinglong nongialam ba phi pyntreikam ia ka.



III. Ka Jingpyntrei kam ia ka Stai Nongialam

1. Kat kum u George Barna, uwei pa uwei u nongialam un don beit ia ka jinglah ha kawei na kine ki stai. Pat de, baroh ki nongialam ki don hi ia ki katto katne na kine baroh ki stai.
2. Ker sawdong ialade da ki nongialam kiba don ia kiwei pat ki stai nongialam
 - Kin ai nam iaphi
 - Kin iohi ia kiei kiei ha ka rukom ba phim ju long kumta.
“Ha ka ba ym don ka jingpyrkhat, ia k I jingthmu la pynbukhoh; hynrei ha ka jingbun ki nongpyrkhat la pynskhem ia ki.”- Proberb 15:22
3. Ialam na ka liang bakhlain jongphi, ym na ka jinglot.
“Te ba ngi don ki jingai ba iapher katba kum kata ka jingaiei ia kaba sa sam hangi, la ka long ka jingiathuhlypa, to ngin iathuhlypa katba ka shong kata ka jingthew jong ka jingngeit; la ka long ka jingshakri, to ngin minot ha kata ka jingshakri, la ka long uta uba hikai, to un minot ha kata ka jinghikai; lane uta u ba sneng to un minot te ha kata ka jingsneng, lane uta uba iasam to un leh kumta da ka jingkylluid sngur; lane uta uba synshar, un leh kumta da ka jingleh minot; uta uba leh isynei, un leh kumta da ka jingmen.” – Rom 12:6-8
4. Kaba sngewthuh ia ka jingialam kat kum ki jinglong jingman
 - Ka jinglong nongialam kaba don haphi kan nym trei kam eh ha BAROH ki jingjia
 - Pynbeit da kano ka stai nongialam ka ban iahap eh bad kata ka jingjia
Nuksa:
 1. Ban sdang ia ka jinghikai thymmai na ka bynta ka kam jingshakri – **Ka jingialam kaba kdew lynti (Haba ka don ka jingdonkam ban leh eiei)**
 2. Ki Plan kiba pynroi na ka bynta ka jingshakri – **Ka jingialam kaba pyndonkam ia ki buit trei kam (haba donkam ia ka jingpule bniah bad jingpynkhreh)**
 3. Kaba pynjem ia ki jingialeh pyrshah ha ka jingshakri jongphi – **Ka jingialam da kaba tei ia ka jingiadei- (haba donkam ban ia trei lang bad kiwei pat ki briew)**
 4. Kaba pyndonkam ia ka teknoloji ha ka jingshakri jongphi – **Ka jingialam da kaba pyntrei kam (haba donkam ia ka system lane rukom trei kam kiba kum kita)**
 - Pynkhreh ban ailad ia uwei pat u nongialam ha ka team jongphi ban ialam da ka stai kaba trei kam eh
 - Phi bat ia ka iktiar kaba khatduh eh
 - Phi pynkhamti ia ka kam ha uwei pat u nongialam uba don ha ka kynhun jongphi.
5. Kaba pyntreikam ia ka stai jingialam kaba bakla ka don la ka jingmih
 - Lah ban don ka jingialeh pyrshah ia ka jingialam jongphi.
 - Phi lah ban pynsniew ia ka nam jongphi
 - Phi lah ban pynmih ki jingpyrshah kiba phim khmih lynti
 - Ka jingshakri ka lah ban sahkut lane shem jingeh.

Ka Jingpynmlien ia ka Stai nongialam

Ka jingbthah : Na ka bynta kawei pa kawei ka jingjia ba la pyni ha ka Kolom kaba sha ka diang, thoh ia ka(ki) stai nongialam kaba iadei ban pyndonkam (Kaba kdew, Ka buit trei kam, Kaba tei ia ka kynhun, Kaba pyntreikam):

Ki jingjia	Ka stai nongialam ban pyndonkam
1. Phi ioh pdiang ia ka jingtyrwa sngewbha da ka Komputor na ka bynta ka balang bad phi donkam ban pynthikna kumno ban pyndonkam thikna ia kata.	
2. Phi dang sdang ia ka jingshakri ha byndi bad phim kwah ban pynsepei ia ki jingiarap na kiwei pat ki jingshakri	
3. Ka Worship Team ka la wan shaphi ryngkat bad ka jingujor ia u nongialam worship.	
4. Phi tip ba phi kwah ban pynlong ki jingleit ban jop ia la ka jong ka jaidbynriew hynrei phim sngewthikna kumno ban leh ia kata.	
5. Phi kwah ban kynriah noh ia balang jongphi sha kawei pat ka jaka thymmai, kaba kham heh kaba don ha shiliang jong ka nongbah.	
6. Ski don ki briew kiba la khñium shaphang ka jingshakri jong ka jingialam jingrwai bad ki kwah ba phin leh eiei da kumwei pat halor kata.	
7. Ka Jingiaseng Khynnah kam shym la lah ban poi sha ka thong bad ka jingwan jingiaseng ka nang hiar.	
8. Ki briew ki sdang ban phet noh na ka balang jongphi bad leit noh sha kawei pat ka balang kaba marjan.	
9. Kawei pat ka balang ka pan ia ka ingmane jongphi ba kin pyndonkam ma ki na ka bynta jongki.	
10. Phi don ka jingeh ha ka jinglorni ha ka balang jongphi.	

Lynnong 4

Ki Nongialam Kiba Iaid Shaphrang

“Te U Trai U la kren ha u Moses, “To shim ha me ia u Joshua, u khun u Nun, u briew ha uba don uta u mynsiem bad men buh ia la ka kti halor jongu; to buh ruh ia u hakhmat u Eleasar lyngdoh bad ha khmat u paidlang baroh; bad men ai ka hukum ha u ha khmat jongki. Men ai ruh na ka burom jongme hi halor jong ba u paidlang baroh ki khun Israel kin kohnguh.”

Jingkhein 27:18-20

Ryngkat bad ka kam nongialam ha ka balang lane jingshakri ka wan ruh ka jingbahkhlieh kaba khraw ban pyndep ia ka kam jingshakri kaba u Trai u la khot iangi ban leh. Bun bunsien ngi mutdur ba ngi dei beit ban ia donkti ha baroh ki bynta jong ka jingshakri jongngi lada ngi dei ban ialam ba kan trei kam bha. Hynrei ka jingshisha ka long ba ngim lah. Ngim lah ban ialam man ka jingialang, ban peit lut ia ki jnit ki jnat lane ban shu rai lut ia kiei kiei baroh. Kum ki nongialam ngi donkam ban pynrung ia ka jingkyrshan bad jinglah jong kiwei pat lada ngi dei ban poi sha ka thong jongngi. Kata ka mut ba ngi dei ban ithuh ia ki briew kiba long ki nongialam kiba don ka jinglah bad pynsan ia ki khnang ba ki lah ban ialam, ban leh eiei bad pyniaid kat kum ka jingthmu bad ka bor jongngi. Kumba u Moses u la buh kti halor u Joshua, hi ruh phi donkam ban ithuh ia kiwei pat ki nongialam kiba don “ha u mynsiem” bad phah ia ki ban leh eiei na ka bynta jongphi bad da ka iktiar ka jongphi. Ha kane ka lynnong, ngin ia peit kaei ba u nongialam u long, balei ba donkam ban pynsan ia ki nongialam bad kumno ban ithuh bad pynsan ia ki.

I. Uei u nongialam ?

Kat kum ka Bible, u nongialam ...

1. U tip uei lane kaei ki long ha u Khrist. **(2 Korinth 5:15-21)**
 - U tip ba ngi dei ki shakri na ka bynta u Khrist **(1 Petros 2:9)**
 - U la pynkieng atiar iangi da ka bor jong u. **(Ephesos 1:18-20; 3:14-20)**
 - Ngi ia long kumjuh ha ka Met **(1 Korinth 12:27)**
2. Sngewthuh ia ki jingai ba kynja Mynsiem
 - a. U la ai ha uwei pa uwei ia ki jingai bakynja mynsiem **(1 Korinth 12:7)**
 - b. La khot iangi ban pyndonkam ia ki jingai jongngi. **(Ephesos 4:11-13)**
 - c. U nongialam u don ka jingbahkhlieh ban pynlong ia kiwei ba kin pyndonkam ia ki jingai jongki. **(2 Timothi 2:2)**
3. Sngewthuh ba ki dei ban long ka Mluh bad ka Jingshai.**(Mathaios 5:13-16)**
 - a. Ngi dei ban long kita ki nongpynkhih ia ka kolshor jongngi **(Kolosai 4:5-6)**
 - b. Ki dei bna long ka rukom **(1 Thessaloni 1:7)**
 - c. Ngi dei ki nongkit ‘tien syiem **(2 Korinth 5:20)**
4. La aiti lut ban pynphriang ia ka gospel. **(Kam 1:8)** bad pynlong ki synran jong u Jisu. **(Mathaios 28:19)**

II. Balei ka long kaba donkam ban iarap pynsan ia kiwei pat ki nongialam?

1. Ka dei kumta ba ka Hima jong U Blei ka san

- U Jisu u hikai ia ka nongrim jong ka jingpynroi ia ka jingshakri lyngba ki synran jong u.
 - U Jisu u jied ia ki nongialam ki ban tei ia ka Balang jong U ha kane ka pyrthei.
 - U Jisu u hap ban pynlong synran bad pynkieng atiar ia baroh na ki
 - U la ong ia ki ban ***“leit bad pynlong synran ia ki bynriew baroh”*** – **Matthew 28:19**
- U Jisu um shym ka tei ia ka balang tang dalade hi
“Kumba U Kpa u la phah ianga, nga ruh nga phah iaphi.” - **Ioan 20:21**
 - U Paul u la leit bun tylli ki jingleit missionari
 - Kiwei pat ki synran bad ki nongbud ki la pynskhem ia ki balang
- Ka Balang ka dei Kawei ka Met bad baroh ki don ka bynta ban pyndep ha ka
“Kumta te maphi phi long ka met U Khrist bad ki dkhhot jong ka ha la marwei marwei.”
1 Korinth 12:27

2. Ka pynroi ia ka jingshakri jongphi

- Ka pynlah iaphi ban pyniar ia ka jingshakri jongphi sha kiba bun ki briew
 - Ka jingshakri jongphi ka lah ban ktah ia ka jingim jong kiba bun
 - Ka jingshakri jongphi ka lah banning kham iar shuh shuh.
- It helps you accomplish more with less effort and time
 - Phin nym lah ban don lut ha ki jaka baroh
 - Phin nym lah ban leh lut ia kiei kiei ha baroh.
“Kam long kaba bit iangi ban iehnoh ia ka jingialap ia ka Ktien U Blei bad ban shakri ia ki miej” – **Ki Kam 6:2**
- Ka plie ia kiwei pat ki kabu kiba phi lah ban nym iohi lane ban beh thong ia ki
 - Kiwei pat ki nongialam ki don ia kiwei pat ki jingai ban ia sam lang
 - Kiwei pat ki nongialam ki don la ki jong ki jingshitthem bad jingsngewtynnad

3. Ka pynlah ia ka jingtrei jong u Mynsiem Bakhuid hapoh jong ka Balang jongphi.

- U Mynsiem Bakhuid u trei lyngba **baroh** ki briew, ym tang lyngba ki pastor
 - Ngii don ia ka jinglong lyngdoh jong **baroh** kiba ngeit
“Namar da uwei u Mynsiem la pynbaptis iangi baroh ia ka ban long kawei ka met-la ki Jiw la ki Jentil, la ki mraw la kiba laitluid bad la pyndih iangi baroh na uwei U Mynsiem.” – **1 Korinth 12:13**
 - U Mynsiem Bakhuid u aibor ia baroh kiba ngeit
“Hynrei phin ioh diang ia ka bor ynda la wan U Mynsiem Bakhuid haphi.”
- **Ki Kam 1:8**

4. Ka jingjop bad jingkyllon ka jingshakri ka shong eh halor ka jingialam bad U Mynsiem Bakhuid
 - Khlem ka jingialam kaba khlain ka jingshakri kam lah ban jop
 - Ki nongialam kiba bha ki lah ban khyllie pat ia ki jingshakri kiba tlot
 - Ki nongialam kiba sniew ki lah ban pynjot ia ki jingshakri kiba seisoh
 - U Mynsiem Bakhuid u **long** ka tyllong jong ka bor
 - Ngi long tang ki nong bet symbai

“Kumta uta uba thung um long eiei lymne uta uba ai um ruh, hynrei u Blei kein uba pynman.” - 1 Korinth 3:7
 - Ka bor jongngi ka wan na U Blei, u Mynsiem Bakhuid

“Naba khlem manga phim lah leh eiei ruh em.” – Ioan 15:5

IV. Kumno phi ithuh ia kiwei pat ki nongialam ?

1. Ki kyndon na ka bynta ki nongialam kiba khlain
 - Ki briew kiba don ia ka nam ba bha

“Namarkata ka dei ia u nongsharai ban long uba khlem shah kynnoh pop, u tnga jong kawei ka tnga, uba leh adkar, uba shida jingmut, uba iaid beit, uba khot ieit basa, uba nang hikai; u bym shait iamai, u bym ia shoh iadat; hynrei uba jemnud, u bym ia nia, u bym ieit sbai.” - 1 Timothi 3:2-3
 - Ki briew jong ka jingngeit

“Ym u synran uba dang shibit ioh ba ynda u la sngewmeng un hap sha ka jingpynrem jong u soitan..” – 1 Timothi 3:6

“Kiba bat ia ka jingmaian ka jingngeit ha ka jingiatiplem bakhuid.” – 1 Timothi 3:9
 - Ki briew kiba dap da u Mynsiem

“Namarkata ko para, phin ia khmih hynniew ngut ki rangbah naphi kiba don ka nam babha, kiba dap da U Mynsiem bad da ka jingstad.” – Ki Kam 6:3
2. Ki kyndon na ka bynta ki nongialam ki bym shym la kdew ha ka Bible (hynrei kiba la ju pyndonkam bha)
 - Ka jingnang jingstad
 - Ka kyrdan ha ka imlang sahlang
 - Kiba la iaid lyngba

**** Kine ki dei kiei kiei kiba bha tangba kim dei pat ki kyndon kiba donkam tam**
3. Ha kaba jied ia ki nongialam
 - Jied ia ki briew kiba don ia ka jingshitrhem
 - Jied ia ki briew kiba lah ban pynbit
 - Jied ia ki briew kiba don ia ki jingai ba kynja mynsiem kiba iadei kumta

V. Kumno phi pynroi ia kiwei pat ki nongialam ? (kdew sha U Mathaios Lynnong 10)

Kyndon #1:Pynlong synran ia ki

- Da kaba ai jinghikai man ka taiew
- Ka Ktien bad ki kam jong ka jingpynshlur
- Kaba tei ia ka Jinggeit
- Ka jingpynkhreh (Ka training nongialam)

Kyndon #2:Aiti ia ka jingbahkhlieh ha ki (Mathaios 10:1)

- Ai eiei ha ki ban ialam lane pyniaid
- Aibor ia ki ba kin pyndep ia ka kam
- Tei ka jingshaniah jongki ialade

Kyndon #3:Iathuh ia ka jingkhmih lynti jongphi ha ki (Mathaios 10:6-8, 16)

- Buh ka thong kaba shai bad iarap ia ki ban pyniaid shaphrang ia ka plan nongialam
- Buh ki pud lane ki jingbthah badonkam

Kyndon #4:Pan jingkhein na ki (Mathaios 10:32-33)

- Khmih lynti ba kin pyndep ia ki jingthmu
- Lada don kino kino ki jingeh, wat nym leit ban pynbeit ia ki, ai kin pynbeit hi ma ki
- Ai ka jingbthah kat kum ba donkam
- Ailad ia ki ban wallam ia ka jingpynbeit

Kyndon #5: Peit bniah ia ka jingkiew shaphrang jong ki barabor

- Ia kynduh barabor ban ia kren ia ki jingeh bad ki jingdonkam
- Wat shu ieh tang ha ki hi lane leh lyndet ia ki
- Pyni ia ka jingsngewtynnad jongphi ban iarap ia ki ba kin ioh nang bad jop ruh

Kyndon #6:Pyllait ia ki sha ka jingshakri

- Haba ki la long lakloi, shah ba kin leit- wat bat sah ia ki
- Ai ha ki ia ka jingshakri ba kin ialam
- Phah noh ia ki sha ka kam jong ka jingshakri

Ka jingpynroi ia ka Jingkilan Nongialam

Ha syndah jong kawei pa kawei ka kyrdan nongialam ha ka jingshakri thoh ia ki jingai bakynja mynsiem kiba phi pyrkhath ba ki long kiba donkam bad ia ka jingtbit lane jingnang ba phi pyrkhath ki ban iarap na ka bynta kata ka kyrdan.

Kyrdan jingshakri	Jingai bakynja mynsiem **	jingtbit/jingnang
1. Pastor		
2. Nongialam Jingmane		
3. Nongialam Jingiaseng Khynnah		
4. Nongialam Jingiaseng Samla		
5. Basan		
6. Nonghikai		
7. Nongialap		
8. Mishonari		
9. Nongpeit ia ka kam pisa		
10. Nongialam ia ka Jingshakri jong ka jingduwai		

** Kdew sha ki jingai ba kynja mynsiem ha ka sla 37-38

KA THUP 2

Ka Jingpyniaid kam ia ki Briew



Lynnong 5

Ki Jingai Bakynja Mynsiem

“Hynrei la sam ia ka jingpynpaw u Mynsiem ha uwei pa uwei ia ka ban pynmyntoi. Hynrei ia kine kiei kiei baroh uta u juh hi U Mynsiem u pyntrei hapoh da kaba sam ha uwei pa uwei ha la ka jong ka jong kat kumba u sngewbha hi.”

1 Korinth 12:7, 11

Ka Baibl ka iathuh ba ia uwei pa uwei u Khristan la ai ia ka (ki) jingai bakynja mynsiem ban pyntrei ha ka ban pynmyntoi ia ka Met U Khrist. Hynrei kiei shisha kine ki jingai bakynja mynsiem? Hato ki dei ki juh kum ki jingtbit bad ki sap jongngi? Kumno ngin tip ki jingai bakynja mynsiem aiu ngi don? Bad kumno ngin tip lano bad kumno ban pyndonkam ia ki? Kine ki dei ki jingkylli ba ki Khristan ki ju kylli man ka por haba ka wan sha kaba sngewthuh ia ka bynta jongki ha ka balang lane ha ka Met jong u Khrist. Kum u nongialam, ka long kaba donkam iaphi ban tip ym tang ka jingai la jong, hynrei kumjuh ruh ka jingai jong kiwei pat, khnang ba phin pyniaid beit ia ki ha ka kam jong ka jingshakri kaba U Blei un ioh ban pyndonkam thikna ia ki . Ha kane ka lynnong halor kine ki jingai bakynja mynsiem, balei ba ki long kiba donkam bad kumno ban pyntreikam pura ia ki na ka bynta ka jingtah kaba khraw tam sha ka hima. Ngin pynbiang ruh ia ki tiar thew ki ban iarap ba phin tip ka (ki) jingai bakynja mynsiem kiba phi lah ban don.

I. Kiei ki jingai bakynja mynsiem?

- Ki jingai bakynja mynsiem ki dei kito ki jinglah kiba U Mynsiem Bakhuid u ai sha ki nongbud jong u Khrist ban pynkieng atiar ia ki sha ka kam jong ka jingshakri.
 1. Kine ki dei ki jingai ia ka ban ka jingpynmyntoi
“Hynrei la sam ia ka jingpynpaw u Mynsiem ha uwei pa uwei ia ka ban pynmyntoi.” - 1 Corinthians 12:7
 2. Ia kine ki jingai la ai kat kum ba u Mynsiem Bakhuid u sngewbit
“U sam ha uwei pa uwei ha la ka jong ka jong kat kumba u sngewbha hi.” - 1 Korinth 12:11
 3. La ai ia kine ki jingai kat kum ka jingdonkam
- Ia ki jingai bakynja mynsiem lah ban phiah ha ki 3 ki Kyrdan ba kongsan
 1. **Ki jingai na ka bynta ka kam jingshakri** – Kaba dei ka jinghot sha ka kyrdan
 2. **Ki jingai ban pyntreikam -** ban shakri ia kiwei pat
 3. **Ki Jingai ban pynkhih** – ki jingpynpaw bakynja mynsiem bad ka bor
- Ka Baibl ka pyni ia ki 21 ki jingai bakyrpang
 1. **Ha ka Kam jong ka Jingshakri**
- Apostol, Prophet, Evangelist, Pastor, Nonghikai
“Bad u la thung ia kiwei ban long ki apostol bad ia kiwei ki nongiathuhkhana bad ia kiwei ki nongsharai bad ki nonghikai” Ephesos 4:11

2. Ha kaba pyntrei kam

- Jingshakri, Jingspynshlur, Kaba Ai, Kaba ialam, Kaba leh isynei, kaba Iarap, kaba Synshar
“La ka long ka jingshakri, to ngin minot ha kata ka jingshakri, la ka long uta uba hikai, to un minot ha kata ka jinghikai; lane uta uba sneng to un minot te ha kata ka jingsneng; lane uta uba iasam, to un leh kumta da ka jingkylluid sngur; lane uba synshar, un leh kumta da ka jingleh minot; uta uba leh isynei, un leh kumta da ka jingkmn.”
- Rom 12:7-8

“Te don kiba U Blei u la thung ha ka balang nyngkong ki apostol, kaba ar ki nongiathuhlypa kaba lai ki nonghikai, ynda kumta ki leh ia ki kambah, hadien kata ki jingaibor ban pynkhiah, ki nongiarap, kiba synshar bad kiba bunjaid ki thylliej.”

- 1 Korinth 12:28

3. Ka Jingshakri kaba pynkhih

- Ka Jingstad, Ka jingtip, Ka jingpyniapher, ka Jingiathuhlypa, ki Thylliej, Kaba batai ia ki thylliej, ka Jingngeit, kaba Pynkhiah, ki Kambah
“Namar ha uwei la sam da U Mynsiem ia ka Ktien ka jingpynstad; bad ha uwei at ia ka ktien ka jingpyntip, katba kum ujuh U Mynsiem; ha uwei pat ka jingngeit, da uta u juh U Mynsiem; bad ha uwei pat ki bor ban pynkhiah, da uta u juh u7 Mynsiem; bad ha uwei pat5 kaba trei ki kambah; bad ha uwei pat ka jingiathuhlypa; bad ha uwei pat ka jingpyniapher ia ki mynsiem; bad ha uwei pat ki thylliej bunjaid; te ha uwei pat kaba batai ia ki.” - 1 Korinth 12:8-10

<p><i>**Ki don kiei pat ki jingai bakynja mynsiem ba la kdew ha ka Baibl, hynrei kine ki dei kiba la pyni khambun eh ha ka Testament Bathymmai</i></p>
--

II. Balei ki Jingai bakynja Mynsiem ki donkam?

- Ban pyndep ia ka jingthmu bad ka plan jong u Blei na ka bynta u briew
“Te U Blei ka jingsuk ... un pynjanai iaphi ha ka jingleh babha baroh, ia ka ban leh ia ka mon jong u” - Hebru 13:20-21
- Ban pynkhreh ia ki briew jong U Blei sha ki kam jong ka jingshakri
“Ia ka ban pynjanai ia ki riwkhuid, ia ka jingtreikam jingshakri tien Blei, ia ka ban tei ka met U Khrist.” - Ephesos 4:12
- Ban ioh poi sha ka jingsan bakynja mynsiem
“Tad ynda ngi ioh poi baroh sha kata ka jinglong kawei ka jong ka jingngeit bad ka jong ka jingtip ia U Khun U Blei, haduh ka jinglong rangbah bha” - Ephesos 4:13
- Ban pyniatylli ia ka Met u Khrist
“Kumta te maphi phi long ka met U Khrist bad ki dkhot jongka ha la marwei marwei.” - 1 Korinth 12:27

III. Kumno ban pyndonkam bad pyntreikam ia ki jingai bakynja mynsiem?

- Ban tei ia ka balang
“Kumta maphi ruh; haba phi long kiba kwah hir hir ia ki jingai bakynja mynsiem to da wad khnang ba phin kham nang ban tei ia ka balang.” 1 Korinth 14:12
- Ban shakri ia kiwei pat
“Uwei pa uwei baroh kat kumba u la pdiang ia ka jingai, kumta kein un sam ia kata paralok hi, kum ki sordar babha ka jingaiei ba bunjaid U Blei.” - 1 Petros 4:10
- Ban pyndonburom ia U Blei
“Lada uno uno ruh u kren, un kren kein kum ki jingong U Blei; lada uno uno ruh u leh basan, to un leh kum na ka bor ba ai U Blei; ba ha kiei kiei baroh yn ioh pyndonburom ia U Blei da U Jisu Khrist....” - 1 Petros 4:11
- Ban pynpaw ia ka jinglong jong U Blei
“Hynrei u soh jong u Mynsiem u long ka jingieit, ka jingkmn, ka jingsuk, ka jingshahslem ka jinglehsbun, ka jingbha, ka jingiaineh, ka jingjemnud, ka bor halor lade.” - Galatia 5:22

U Paul u ai ruh artylli ki Jingmaham:

- Ym dei ban klet ia ki
“Wat lyndet ia kata ka jingai kaba ha me, ia kaba la ai ha me da ka jingiathuhlypa, lem bad kaba buh ia ki kti jong kata ka Presbyteri.”-1 Timothi 4:14
- Dei ban pyndonkam ia ki ha ka rukom kaba ryntih
*“Hynrei to ai ba yn leh itynnad bad ha ka jingryntih ia kiei kiei baroh.”
- 1 Korinth 14:40*

IV. Ka jingbuh jingkhein ia ka Jingai Bakynja Mynsiem

- Ka dei ka ei ?
 - Ka atiar kaba lah ban lap da kaba pyndonkam ia ki jingkylli bad jubab kiba ki lah ban jied hi
 - Ka atiar kaba lah ban lap ia ka jingai bakynja mynsiem ha u briew
 - Ka jingbtin lynti kaba iarap ia ki briew ba kin shem ia ka bynta jong ki ha ka balang
- Kaei ba kam dei
 - Kam dei kaba janai. Ki jingai ki lah ban kylla kat kum ka por
 - Ym dei ban pyndonkam ia ka ban khanglad ia ka jingtrei lane jingshakri jong u briew. U Blei u lah ban ai ia ki jingai haba donkam.

Kaba tip ia ki Jingai Bakynja Mynsiem

<http://www.kodachrome.org/spiritgift>

U Blei u la kyrkhu ia uwei pa uwei u briew da ki Jingai Bakynja Mynsiem. Hato phi tip ki Jingai Bakynja Mynsiem aiu ba phi U Blei u la ai haphi? Lada phi sngewlyngngoh halor kaei ka Jingai Bakynja Mynsiem ba phi don, te kane ka jingpeit thuh kan pyni iaphi kaei kaba lah ban long.

Kane ka dei ka Test ia ki Jingai Bakynja Mynsiem. Ka don 110 tylli ki jingthoh ba phi hap ban pynphai ia ki da kaba jubab: **Barabor, Bunsien, Man ka por, Teng teng, Tengkhath, Kham niar** lane **ym ju** ban kdew kumno phi sngew shaphang kata ka jingong .

Sngewbha buh jingmut ba kane ka la thoh ia kane ka Test da ki briew, ym da U Blei, bad namarkata kan nym long kaba janai. Dei ban pyndonkam ia ka kum ka jaka sdang ban lap ia ki Jingai Bakynja Mynsiem jongphi, hynrei ym ka jingpynkut nia. Ka Test kan nym long barabor ka ban pyni thik ia ki Jingai Bakynja Mynsiem jongphi. Ka shu long tang ka wei na ki lad kaba phin hap ban iai wad shi jingim kumno ba U Blei u la kyrkhu iaphi khnang ba phin long jingkyrkhu sha kiwei pat.

Phi donkam ban pynlut por thikna ban **Jubab** ia **BAROH ki jingkylli lane jingthoh** lynda kumta ka Test kan nym ai ia ki jingmih kiba don jingmut.

Jubab ia kawei pa kawei ka **Jingkylli lane jingthoh** da u nombor uba phi sngew iahap bad ka jingsngew kaba wan nyngkong haphi kat kum kine ki jingbuh dor harum:

Barabor	= 5
Bunsien	= 4
Man ka por	= 3
Teng teng	= 2
Tengkhath	= 1
Ym ju	= 0

To ngin ia sdang :

- 1) _____ **Ki briew ki sngewtynnad ban bud ia ka jingialam jongnga khlem da ialeh pyrshah**
- 2) _____ **Nga sngewtynnad ban pynbna ia ka Ktien U Blei sha kiwei pat ki para khristan.**
- 3) _____ **Ka long ka jingkmen ianga ban ioh pynbna ia ka Plan jingpynim jong u Blei sha ki briew ki bym ju leit jingiaseng.**
- 4) _____ **Ka long kaba sngewkmen ban ioh ia ka jingbahkhlieh ha ka ban ialam ia kiwei pat ki briew ha ka jingim ba kynja mynsiem jong ki.**
- 5) _____ **Nga sngewbang bha ban iarap ia ki briew ba kin shem ia ki jingshisha kiba donkam ha ki jingthoh.**
- 6) _____ **Nga don ka jingkmen kaba kham kyrpang ha ka ban rwai iaroh sha u Blei la myrwei lane bad kiwei pat ki briew ruh.**
- 7) _____ **Ka long kaba sngewkmen ban pynkhih ia ki briew sha ki jingaiti ba kham khraw ha ka jingim mynsiem.**
- 8) _____ **Ki briew ki ju wan sha nga ryngkat bad ki jingeh bakynja mynsiem na ka bynta ka jingbthah bad jingiasyllok**
- 9) _____ **Nga ioh ki kyrdan kiba biang bha ha skul.**

- 10) _____ **Ka don ka jingkmén kaba khraw ban ioh leh ki kam kiba rit ha ka balang.**
- 11) _____ **Nga peit sha ki kabu ban ioh iarap ia ki briew ha ka kam jong ki.**
- 12) _____ **Ka don ka jingkmén kaba khraw ban ialam ia ki briew ban pyndep ia ka thong jong ka kynhun.**
- 13) _____ **Nga kwah ban pynbeit ia ki briew na ka bynta ka jingshakri kaba kham trei kam.**
- 14) _____ **Ka don ka jingsngewhun kaba khraw ban ioh ai pisa shibun sha ka kam u Trai.**
- 15) _____ **Nga don ka jingsngew synei kaba khraw na ka bynta ka jingeh jong kiwei.**
- 16) _____ **Ka i suk bha ban ithuh lada u briew u long hok shisha lane um long kumta.**
- 17) _____ **Nga long la kloï ban pyrshang ia kaei ka bym i ban lah long namar nga don ka jingshaniah kaba khraw ha U Blei.**
- 18) _____ **Ka don ka jingkmén kaba khraw ba kin wan ki briew ha iing jongnga.**
- 19) _____ **Nga shem ba ka suk bha ianga ban pynbha bad pynbiang ia kiei kiei kiba don ha sawdong jongnga.**
- 20) _____ **Nga iohi ba nga lah ban ithuh ia ka jingdonkam ia ka jingduwai hashuwa ia kiwei pat.**
- 21) _____ **Nga sngewtynnad ban ioh ia ka kabu ban ia duwai bad ki briew kiba pang khang ba kin ioh khiah noh.**
- 22) _____ **Nga lah ban pyniadei da kaba suk ha ka kolshor kaba iapher na ka jong nga.**
- 23) _____ **Nga sngew ia kata ka jingsngewthuh ia ka iktiar ha ka jingiadei jongnga ha ka kynhun.**
- 24) _____ **Nga sngewtynnad ban pynbna ia ka Ktien jong U Blei ban pyntngen ia kiwei.**
- 25) _____ **Nga imat kumba nga lah ban sngewthikna haba U Mynsiem u la pynkhreh ia u briew ban pdiang ia u Jisu Khrist.**
- 26) _____ **Ka long kaba sngewbang ban ai ka jingialam bakynja mynsiem sha ki bangeit.**
- 27) _____ **Ban hikai ha Bible Class ka dei na kiei kiei kiba nga sngewtynnad ban leh (lane kaba nga lah ban leh) ha ka Balang.**
- 28) _____ **U Blei u la ai hanga ia ka jinglah ban tem jingtem bad nga sngewbang ia kata.**
- 29) _____ **Ka long ka jingkmén ban ioh ai mynsiem bad pynshlur ia ki briew kiba sngewduh mynsiem.**
- 30) _____ **Nga sngewkmen ban pyni lad ia ki jingeh ba sohsat ha ka jingim.**
- 31) _____ **Ka imat kumba ka long kaba suk ban tip bad sngewthuh ia ki jingshisha kiba eh.**
- 32) _____ **Nga sngewkmen ban leh ryntih ia ki kam bad jingkam na ka bynta ka burom U Blei.**
- 33) _____ **Nga sngewkmen ban iarap ha ki kam kyrkieh ha ka balang.**
- 34) _____ **Ka imat ba ki briew ki sngewtynnad ban bud ianga ha ka ban ia trei ia ki kam kiba donkam.**
- 35) _____ **Ka don ka jingkmén ha ka ban pynlong ki rai kiba donkam.**
- 36) _____ **Nga shem ka jingkmén kaba shisha ha ka ban ai da ka jingkylluid mynsiem ia shibynta na ka pisa jongnga sha U Trai.**
- 37) _____ **Kaba leit jngoh ia ki briew ha ki iing ri tymmen ka ai ka jinghun kaba khraw ianga.**
- 38) _____ **Nga imat kumba nga tip kloï ha lada kaei kaei ka iaïd beit lane bakla.**
- 39) _____ **Haba kiei kiei ki i kumba ym lah ban long, Nga long lakloï ban iaïd shaphrang.**
- 40) _____ **Ngam da sngewtynnad than haba ki briew ki wan rung khlem poi da khmih lynti.**
- 41) _____ **Nga ju sngewtynnad ban thaw eiei lane shna jingshna.**
- 42) _____ **Ka jingduwai ka dei kawei na ki jingpynmlïen bakynja mynsiem kiba nga sngewtynnad eh.**

- 43) _____ Nga la duwai ia u briew uba don jingshitom ha ka pyrkhath
pyrdain bad iohi ba uta u briew u la khambha shibun.
- 44) _____ Ka long kaba suk ianga ban leit sah bad ki briew kiba shawei pat bad pynlong
paralok bad ki.
- 45) _____ Nga don tang khyndiat ka jingsheptieng ban ialam ia ki briew sha ka jaka kaba u
Blei u kwah ia ki ban leit.
- 46) _____ Nga sngewtynnad ban kdew bad iasam ia ka Ktien U Blei sha ki jingeh jong ki
sngi mynta.
- 47) _____ Nga don ka jingsngewkhia ban iasam ia ka Gospel bad ki briew.
- 48) _____ Nga kwah ban iarap ia ki briew ha ki jingeh bakynja mynsiem jongki.
- 49) _____ Ka imat kumba ki briew ki ioh jinghikai bha haba nga hikai ia ki.
- 50) _____ Nga sngewtynnad ban ia trei lang bad ka Balang, skul bad/lane ki
nongpynmih jingrwai.
- 51) _____ Nga sngewtynnad ban pynshlur ia ki dkhot balang ki bym ia
trei lang khnang ba kin lah ban long ki khristan ki ia shim
bynta biang sa shisien pat.
- 52) _____ Ka imat ba kiba bun ki briew ki bud beit ia ka jingbthah jongnga .
- 53) _____ Nga lah ban sngewthuh shai ia ki bynta ba eh na ka Ktien jong U Blei.
- 54) _____ Nga ioh ka jinghun kaba khraw ha kaba leh wat ia ki kam kiba rit baria ha ka
balang.
- 55) _____ Nga angnud ban leh ia ki kam ki ban pyllaitluid ia kiwei na ka bynta ka
jingshakri badonkam .
- 56) _____ Ka kham seisoh shibun ban aiti ia ka kam hano re hano ban ia kaba
nga shu leh hi dalade.
- 57) _____ Nga sngewbang ia ka jingbahkhlieh na ka bynta ka jingjop ia ka thong jong ka
kynhun.
- 58) _____ Nga sngewnguh ia ka kabu ban iarap pisa sha ka jingdonkam bakyrkieh.
- 59) _____ Nga sngew ia ka jingkmn ha ka ban pyntngen ia ki briew ha ki jingjia kiba eh.
- 60) _____ Ka jingiapher hapteng ka jingshisha bad kaba bakla ka long kaba suk bha ianga
ba ngan sngewthuh.
- 61) _____ Nga long uba la kloï ha kano kano ka por ban ngeit ba u Blei un ialam iangi
lyngba ka jingjia kba kiei pat ki sngew ba ka long ka bymlah ban long.
- 62) _____ Ki briew ki sngew suk bha ha iing jongnga.
- 63) _____ Nga sngewtynnad ban shna eiei da la ki kti jongnga.
- 64) _____ GU Blei u iai jubab ia ki jingduwai jongnga ha ki rukom ba shynna bha.
- 65) _____ Nga la wan jngoh ia u briew uba pang, la duwai ba U Blei un pynkhiah
bad uta u briew u la nang khlaiñ.
- 66) _____ Nga lah ban iadei bha bad ki Khristan kiba na kiwei pat ki jaka bad kolshor.
- 67) _____ Nga sngewnguh ia ka kabu ban ialap ia ka ktien jong U Blei sha kiwei
pat.
- 68) _____ Ka long kaba donkam ianga ban kren ia ka Ktien jong U Blei shaphang
ka jingmaham bad jingbisha ha ka pyrthei mynta.
- 69) _____ Ka long ka jingkmn ban iasam ia kaei ba u Jisu U la leh ianga ha ki paramarjan
ki bym pat don balang.
- 70) _____ Ki briew ki ju sngewtynnad ban wallam sha nga ia ki jingeh bad
jingkhia jongki namar ki sngew ba nga pyrkhath ia ki.
- 71) _____ Kawei na ki jingkmn ha ka jingshakri jongnga ka long ban ai
jinghikai ia ki briew ba kin long ki khristan kiba seisoh shibun.

- 72) _____ Nga sngew shngain ha ka jingshisha ba ka jinglah jongnga ban tem kan long ka jingmyntoi ia kiwei pt ki brie kiba nga iakynduh. .
- 73) _____ Ki brie kiba sngew shaiong bunsien ki wan sha nga na ka bynta ka jingpynshlur bad jingpyntngen.
- 74) _____ Nga sngew ba nga don ka jingsngewthuh ba kyrpang ha ka ban jied ia ki lad ba bha tam ha ka jingjia kiba eh.
- 75) _____ Nga don ka jingsngewthuh kaba shai shaphang ka jinghikai tynrai jong ka Baibl.
- 76) _____ Nga shem khambun ka jinghun ha kaba leh ia ka kam ban ia kaba nga wad ia kiei pat ban leh ia ka.
- 77) _____ Nga sngewnguh ia ka jingshakri ban iarap ia kiwei pat ki brie ban iakit lang ia ka jingkhia jongki.
- 78) _____ Ka long ka jingkmn ban ai mynsiem ia kiwei shaka jingiashim bynta ba kham khraw ha ka kam jong ka balang.
- 79) _____ Ka jingiaid shaphrang jong ki jingpynkhreh na ka bynta ka jingshakri jong ka balang ka ai hanga ka jinghun kaba khraw.
- 80) _____ Ka long ka jingkmn ban iohi katno ka pisa nga lah ban ai sha U Trai.
- 81) _____ Nga sngewkmen ban ioh shakri ia u brie uba pang ha ka hospital.
- 82) _____ Nga lah ban bishar da kaba suk hapdeng ka jingshisha bad jingbakla shaphang kano kano ka jinghikai niam.
- 83) _____ Ki brie imat ki peit sha nga kum uta uba ngeit ba kiei kiei baroh ki long kiba lah
- 84) _____ Haba ki Mishonari ki wan sha ka balang jongngi, Nga kwah bad sngewtynnad ba kin wan sha iing jngngi.
- 85) _____ Nga iohi ba ka jingmih na ka jingtrei jongnga bad kiei kiei ki jingpynlong bapher jong u Blei ka iarap ban pynbha bad pynitynnad ruh ia kata kaba kiwei pt ki brie kim pat iohi ne pyndep.
- 86) _____ Nga iai minot ban duwai na ka bynta kiwei pat da kaba ithuh ba ka jingseisoh bad jingbiang jongki ka shong eh ha ka jingjubab jong U Blei ia ki jingduwai. .
- 87) _____ Nga sngewtynnad ban ia shim bynta ha ka jingshakri sha kiba pang ha ka met lane ha ka jingmut jingpyrkhat bad duwai na ka bynta ka jingpynkhiah ia ki.
- 88) _____ Ka jingpyrkhat ban sdang thymmai ia ka balang ha ka jaka kaba thymmai ka pynkmen bha ianga.
- 89) _____ Nga sngewkmen ban ai jinghikai ia ki nongtrei ha ka balang.
- 90) _____ Ha ka Baibl Klas ka long kaba donkam eh ban ia sam ia ka Ktien U Blei wat la kiwei pat ki sngew wit.
- 91) _____ Nga don ka jingsngew kaba khia na ka bynta ki brie kiba ngim pat lah ban poi kiba don ha ka jaidbynrie jongngi .
- 92) _____ Nga sngewtynnad ia ka jingiadei kaba jan bad ki brie ha ka rukom kaba tang para myrwei.
- 93) _____ Ka long kaba suk ban pynbiang ia ki tiar kiba donkam ban hikai ha ka Baibl Klas.
- 94) _____ Kaba ialam ia kiwei pat ha kaba rwai ki jingrwai jong ka jingiaroh sha u Blei lane da ka jingkmn kaba khuid ka dei ka jingsngewhun ba shimet.
- 95) _____ Nga kham lah ban leit jngoh ia ka iing ki nongkam sniew ha ka balang jongnga ban ia kito ki long iing bym pat don balang.
- 96) _____ Nga don ka jingsngew kaba khlain ha ka jingsngewskhem ha ka jingiarap

- jongnga ban pynjem ia ki jingeh.**
- 97) _____ **Ka long ka thong kaba sngewtynnad ban pule bad wad bniah ia ka kitab kaba eh jong ka Bible.**
- 98) _____ **Nga sngewtynnad ban leh kiei kiei khlem da khring than ia kiwei ban peit.**
- 99) _____ **Lada ka long iing ka shem ki jingeh kiba kyllain, nga sngewkmen ban ioh ia ka kabu ban iarap ia ki.**
- 100) _____ **Ka don ka jinghun kaba khraw ban don ia kiwei kiba buh ia nga ha ka ban pyndep ia ka kam.**
- 101) _____ **Nga kham lah ban pynlong ki rai na ka bynta ka kynhun ban ia kaba shu khroh ia ki ban poi sha kajuh ka rai.**
- 102) _____ **Nga lah ban ai khlem tyngkai namar nga tip ba u Blei un iashem ia ki jingdonkam jongnga.**
- 103) _____ **Ka long ka jingkmn kaba kyrpang ban leit jngoh ia ki briew kiba la shu thiah beit ha iing.**
- 104) _____ **Bunsien nga wad ia jingthmu jong u briew bad khmih kham shapoh ia ki ktien.**
- 105) _____ **Haba ki briew ki noh mynsiem nga sngewkmen ban ai ha ki ia ki jingiohi kiba sha ka liang kaba shai.**
- 106) _____ **Ka imat kumba ki briew ki kmen bha ban wan sha iing jongnga.**
- 107) _____ **Ka don ka jingsngewbha ha kaba dro, shna dur bad/lane airong ia kiba bun kiei kiei.**
- 108) _____ **Nga shem ialade ba nga duwai haba nga lah ban leh ia kiwei pat kiei kiei.**
- 109) _____ **Nga don ka jingsngew kaba khlain ba ki jingduwai jongnga na ka bynta u briew uba pang ka pynkhiah khran ia uta u briew.**
- 110) _____ **Kham palat ban ia baroh, Nga don ka jingangnud kaba khraw ban iohi ba ia baroh ki briew jong kiwei pat ki jaidbynriew bad ki ri la jop ia ki sha U Trai.**

Khublei shibun eh, Phi lah pyndep ia ka **Bishar Bniah ia ki Jingai Bakynja Mysiem!**

Sngewbha pynlut por shi minit ban peit lyngba ia baroh ki jingthoh ban iohi ba phim shym klet ban jubab lut ia ki baroh.

Mynta wanrah ia ki **Jubab** jongphi sha ka **Sla Bishar Bniah**. Ban leh ia kane phi donkam ban peit na ka **Jubab** jongphi ia kawei pa kawei ka jingkylli.

Na ka bynta kawei pa kawei na ka 110 ki **Jingkylli**, pynrung ia u dak jingkhein jong ka jubab jongphi ha ka synduk kaba iadei jong ka **Sla Bishar Bniah**. Nangta sa pynlang lang ha shilynter jong u lain ba iaaid beit ia u dak jingkhein ba phi la pynrung bad khein lang ia kata baroh ha ka **Synduk Total**. Hangne ka don ka nuksa kaba lyngkot:

JK#	Jubab	JK #	Jubab	JK #	Jubab	JK #	Jubab	JK #	Jubab	Total	Kyrdan	Ki Jingai bakynja Mysiem
1	1	23	3	45	0	67	1	89	3	8	2	Apostol
2	3	24	1	46	1	68	0	90	1	6	3	Nongiathuhlypa
3	3	25	5	47	3	69	5	91	1	17	1	Nongialap

Mynta, khmih bha ia ki **Total**. Ka **Total** kaba heh tam ka lah ban dei ka **Jingai Bakynja Mysiem** kaba khlain tam haphi. Katto katne ki briew ki lah ban ioh shibun ki **Jingai Bakynja Mysiem** da ka juh ka **Total**. Ka Jingkhein antad kam dei kaba janai, kumta ka **Jingai Bakynja Mysiem** kaba khlain tam ka lah ban nym pyni ia ka **Total** kaba heh tam. Ha kaba kut, phin shem ia ka **Jingbuhbeit ia ki Jingai Bakynja Mysiem** da kaba kdew na ka Jingthoh na ka bynta ka wei pa kawei.

Ia kane ka **Bishar Bniah ia ki Jingai Bakynja Mysiem**

lah ban shem na on-line ha ka

<http://www.kodachrome.org/spiritgift>

Ka Sla Jingbishar Bniah ia ki Jingai Bakynja Mynsiem

WAT pat peit ia kane ka Sla TAD HADUH ba phin da pyndep ia ka Test

JK#	Jubab	JK#	Jubab	JK#	Jubab	JK#	Jubab	JK#	Jubab	Total	Rank	Spiritual Gift
1		23		45		67		89				Apostol
2		24		46		68		90				Prophet
3		25		47		69		91				Evangelist
4		26		48		70		92				Pastor
5		27		49		71		93				Nonghikai
6		28		50		72		94				Music
7		29		51		73		95				Jingpyntngen
8		30		52		74		96				Jingstad
9		31		53		75		97				Jingtip
10		32		54		76		98				Jingshakri
11		33		55		77		99				Jingiarap
12		34		56		78		100				Jingialam
13		35		57		79		101				Jingsynshar
14		36		58		80		102				Kaba iasam
15		37		59		81		103				Jingisynei
16		38		60		82		104				Jingpyniapher
17		39		61		83		105				Jingngeit
18		40		62		84		106				Jingkhotsngewbha
19		41		63		85		107				Jingtrei kti
20		42		64		86		108				Jingiasaid
21		43		65		87		109				Kaba pynkhiah
22		44		66		88		110				Mishonari

Ka jingbuhbeit ia ki Jingai Bakynja Mynsiem

Apostol

Ka dei ka jingai ha kaba U Mynsiem u thung ia ki katto katne ki khristan ban ialam, pynkhih bad pyntyllun ia ka balang U Blei da ka jingpynbna bad jinghikai tynrai. Peit Ki Kam [12:1-5](#), Ki Kam [14:21-23](#).

U Nongiathuhlypa (Prophet)

Ka dei ka jingai bakyrpang ha kaba u Mynsiem u aibor ia ki katto katne ki khristan ban batai ban pyntreikam ia ka jingpynpaw U Blei ha kano kano ka jingdonkam lane jingjia. Peit Korinth 14:1-5; 1 Korinth 14:30-33; 1 Korinth 14:37.

U Nongialap (Evangelist)

Ka dei ka jingai bakyrpang ha kaba u Mynsiem u pynlah ia uno uno u khristan ban iasam ia ka Gospel sha ki bymngait ha kata ka rukom ba u bymngait un kylla long u synran jong u Trai Jisu. Peit Ki Kam 8:26-40.

Pastor

Ka dei ka jingai kaba kyrpang ha kaba U Mynsiem u pynlah ia uno uno u Khristan ban pyniaid beit ia ka jingbahkhlieh na ka bynta ka jingiaid beit ba kynja mynsiem jong ka kynhun ki riewngait. Peit 1 Petros 5:1-11.

U nonghikai

Ka dei ka jingai kaba kyrpang ha kaba u Mynsiem u pynlah ia uno uno u khristan ban kren ia ki jingshisha jong U Blei khnang ba kiwei ki lah ban ioh nang. Peit Hebru 5:12-14

Music

Ka dei ka jingai kaba kyrpang ha kaba u Mynsiem u pynlah ia uno uno u khristan ban iaroh ia u Blei lyngba ka put ka tem bapher bapher bad pynshit rhem ia ka jingmane ha ka jingiaseng lang. Peit 1 Korinth 14:26; Mark 12:36

Ka jingpyntngen

Ka dei ka jingai kaba kyrpang ha kaba u Mynsiem u pynlah ia uno uno u khristan ban ieng ryngkat bad u para khristan ha ka jingdonkam bad wallam ia ka jingpyntngen, ka jingiasyllok bad jingai mynsiem khnang ba kin sngew ia ka jingiarap. Peit Ki Kam 11:23-24; Ki Kam 14:21-22.

Ka Jingstad

Ka dei ka jingai kaba kyrpang ha kaba u Mynsiem u pynkup ia uno uno u khristan da ka jingsngewthuh ia ka Mon jong U Blei bad trei kat kaba ka pyniaidei sha ka ban im kum kata ka jingim . Peit Jakob 3:13-17.

Ka Jingtip

Ka dei ka jingai kaba kyrpang ha kaba u Mynsiem u pynlah ia uno uno u khristan ban sngewthuh ha ka rukom kaba kyrpang ia ki jingshisha bakhraw jong ka Ktien U Blei bad ban pynlong ia ki ba kin iadei bad kano kano ka jingjia bakyrpang ha ka balang.

Peit Ephesos 3:14-19.

Kaba shakri

Ka dei ka jngai kaba kyrpang ha kaba u Mynsiem u pynlah ia uno uno u khristan ban long lakloi ban ia kit lem ia ka jingkit jong kiwei pat ki khristan bad iarap ruh ia ki ha kata ka rukom ba ki lah ban leh ia ka kam jongki ha ka rukom kaba seisoh shibun. Peit Galatia 6:1-2

Ki Jingiarap

Ka dei ka jngai kaba kyrpang ha kaba u Mynsiem u pynlah ia uno uno u khristan ba un long la klooi ban ia kit lem ia ka jingkit jong kiwei pat ki khristan bad iarap ruh ia ki ha kata ka rukom ba ki lah ban leh ia ka kam jongki ha ka rukom kaba seisoh shibun. Peit Ki Kam 6:2-4

Ka Jingialam

Ka dei ka jngai kaba kyrpang ha kaba u Mynsiem u pynlah ia uno uno u khristan ban pynkhih, pyniaid beit bad pynshlur ia ki briew jong U Blei ha kata ka rukom ba kin trei mon sngewbha bad ryntih lang kawei ia ka kam jong ka Balang. Peit Hebru 13:7' Ki Nongbishar 3:10; Eksodos 18:13-16.

Ka Jingsynshar

Ka dei ka jngai kaba kyrpang ha kaba u Mynsiem u pynlah ia uno uno u khristan ban sngewthuh ia ka thong jong ka bynta ba la ai ha ka jingshakri jong ka Balang bad ban pyniaid beit ia kata ha ka rukom kaba trei kam bha, ban pyniaid ia ka Balang ha kata ka phang. Peit Ki Kam 12:12-21.

Kaba ai

Ka dei ka jngai kaba kyrpang ha kaba u Mynsiem u pynlah ia uno uno u khristan ban iasam ia ki jingkyrkhu ba u don sha ka kam jong ka balang da ka mon sngewbha , da kaba kmen bad da ka jingkylluid mynsiem. Peit 2 Korinth 8:1-5.

Kaba leh isynei

Ka dei ka jngai kaba kyrpang ha kaba u Mynsiem u pynlah ia uno uno u khristan ban sngewlem da ka jingsngewkhia na ka bynta kito kiba shem jynjar khnang ba kin lah ban pynlut shibun ka por lane jinglah ban pynduna ia kata. Peit Luk 10:30-37

Ka jinglah ban pyniapher

Ka dei ka jngai kaba kyrpang ha kaba u Mynsiem u pynlah ia uno uno u khristan ban tip da ka jingsngewskhem la ka jingleh jongno jongno ka dei na U Blei lane na u Soitan. Peit Ki Kam 5:3-6; Ki Kam 16:16-18

Ka Jinggeit

Ka dei ka jngai kaba kyrpang ha kaba u Mynsiem u pynlah ia u khristan da ka jingsngewskhem kaba palat liam ha ka jingkular, ka bor bad ka jingdon ryngkat khnang ba ki lah ban ieng skhem na ka bynta ka kam jong U Blei ha ka balang ha ki por ban sa wan . Peit Hebru 11.

Ka jingleh bha

Ka dei ka jngai kaba kyrpang ha kaba u Mynsiem u pynlah ia uno uno u khristan ban

plie ia la ki iing jongki da ka jingsngew long lakloi ban khot basa, ai bam bad iasyllok da ka jingkmien ia kiwei pat ki briew. Peit Jenesis 18:1-15.

Ka jingtrei kti (Craftsmanship)

Ka dei ka jingai kaba kyrpang ha kaba u Mynsiem u ai sngewbha ha u khristan ia ka jinglah ban pyndonkam ia ki kti bad jingpyrkhat jongu bad pynleit jingmut ha ka ban tei ia ka Hima lyngba ki jingpyrkhat ba proh bad ki lad ban pynmih eiei. Peit Eksodos 28:3-4.

Ka kam jingiasaid

Ka dei ka jingai kaba kyrpang ha kaba u Mynsiem u pynlah ia uno uno u khristan ban duwai kham slem ryngkat bad ka jingmih kaba seisoh na ka bynta ban tei ia ka Hima. Peit 1 Thessaloni 3:10-13; 1Timothi 2:1-2

Kaba pynkhiah

Ka dei ka jingai kaba kyrpang ha kaba u Mynsiem u pyntreikam ia uno uno u khristan ban pynioh pat ia ka jingkhiah ha uta uba pang. Peit Jakob 5:13-16; Luke 9:1-2

Ka Kam Mission

Ka dei ka jingai kaba kyrpang ba la ai da u Mynsiem Bakhuid ha uno uno u dkhot ha ka met u Khrist (ka balang) ban shakri da kiwei pat ki jingai bakynja mynsiem ha kawei pat ka kolshor lane kawei pt ka jaidbynriew. Peit 1 Korinth 9:19-23.

Lynnong 6

Ka jingpyniaid ia ki Briew

“Kumba phi mon ruh ba ki briew kin leh iaphi, to leh maphi ruh kumjuh ia ki.”

Luk 6:31

Ka Kyndon Ksiar. Ka imat kumba baroh ngi ia tip bha tangba man ka por ngim lah pat ban sumar ia ka. Ka balang ka dei ka kam jong ki briew ba la pynshong nongrim halor ki jingiadei – Bad U Blei bad kiwei pat. U Jisu u la hikai iangi ia kane ka nongrim khnang ba ngin im ha ka jinglong kawei bad kiwei pat bad kumjuh bad U Blei bad ban pynpaw sha ka pyrthei ia ka jingieit ba u la iap na ka bynta jongki. Haba phi pyniaid kam ia ki briew, phi don kein ia ka jingiadei bad ki, ym tang ha ka kyrdan jong ka jingshakri halor jongki. Ka jingpyniaid kam ia ki briew kam dei shaphang kaba ong ia kiwei kaei ba kin leh na ka bynta jongphi, pynban ban kylli na ki kaei ba hi lah ban leh na ka bynta jongki. Ka dei ka jingpynmlien ba man ka sngi ia ka Kyndon Ksiar kumba u Jisu u la hikai iangi. Ha kane ka lynnong, ngin sa ia peit ia ka jingdonkam jong ka jingpyniaid kam ia ki briew, katto katne ki nongrim ban pynbeit ia ki briew bad kumno ban pyniaid ia ki briew

I. Balei ba ka jingpyniaid kam ia ki briew ka long kaba donkam?

1. Ka balang ka long baroh shaphang ki briew

“Hynrei maphi phi long ka kynja ba la jied, ka jinglong lyngdoh bakynja syiem, ka jaidbynriew bakhuid, u paitlang badei eh la u jong hi, ba phin da ioh pynpaw ia ki jingbha kot tam jong uta uba la khot iaphi na ka jingdum sha kata ka jingshai baphylla jong u.” – 1 Petros 2:9

- Ka balang kam dei ka jingtei, ki dei ki briew.
- Ka jingthmu jongngi ka long halor ki briew, ym ha kiei kiei.
- Ka dei baroh shaphang ka jingiadei
 - Bad U Blei
 - Bad U Khrist
 - Bad kiwei pat

2. Ki briew ki dei ka tyllong kaba khraw tam jong ka balang.

- Ki briew ki dei ka jingdon ba khraw jong ka balang.
- Ki briew ki wallam shibun ki jingai bad jingtbit sha ka balang.

“Hynrei la sam la sam ia ka jingpynpaw U Mynsiem ha u wei pa uwei ia ka ban pynmyntoi.” – 1 Korinth 12:7

- Ki jingai bakynja mynsiem na ka bynta ka jingshakri
- Ka jingtbit na ka bynta ka jingkam
- Kaba theh bai seng ha ki briew ka wanrah ia ka jingiohnong kaba khraw

3. Ia ka kam jong ka jingshakri lah ban pyndep lyngba ki briew
“Bad don kiba pher ki jingtrei, hynrei u long ujuh U Blei uba pyntrei ia kiei kiei baroh ha baroh.” –
1 Korinth 12:6
 - Ki briew ki leh ia ka kam jingshakri bad la shakri ruh ia ki.
 - Kiwei pat ki jingdon jingem ki dei ki atiar ban iarap ia ki briew
 - Ka jingshakri jong u Jisu ka long sha ka dohnud jong ki briew
4. Ki dkhot jong ka balang ki dei ki nongtrei mon sngewbha (volunteer), ym ki nongbylla
 - Ki briew kiba trei mon sngewbha ki donkam ia ka jingai mynsiem
 - Ki dei ban sngew ba ia ki la ialam da u Blei.
 - Khlem jingshitthem ka mut khlem jingthmu ka mut khlem briew
 - Ki nongtrei mon sngewbha ki donkam ia ka jingpynshlur
 - Ki nongtrei mon sngewbha kam ki donkam ia ka jingpynthikna shaphang kaei ba ki ia leh
 - Ki nongtrei mon sngewbha ki donkam ban trei ia ki jingeh kiba ha shuwa
 - Ki nongtrei mon sngewbha ki donkam ia ka jingpynshlur
 - Ym shym la siew ia ki, kumta ki donkam eiei ka ban pynlah ia ki ban iaaid shaphrang
 - Ki donkam ba yn pynshlur da ka gospel
5. Ban kiar na ka jingialeh pyrshah
 - Ki jingialeh pyrshah hapoh ka balang bunsien ki jia hagdeng ki briew
 - Ban ioh nang kumno ban tem ia ka jingialeh pyrshah hagdeng ki briew ka long namarkata kaba donkam

II. Ki Nongrim ban pyniaid ia ki Briew

1. Ki briew ki long Kyrpang
“Naba me don ki khyllai jongnga halade: me la tap ianga ha ka kpoh ka kmie jongnga.” –
Salm 139:13
 - Ki don ki jingbit kiba kyrpang
 - Ki don la ki jong ki jingiashem ba kyrpang
 - Ki don la ki jong ki jingmut ba kyrpang
 - Ki don ia ka longrynieng kaba kyrpang
2. Ki briew ki kwah ia ka jingiadei
 - Ki briew ki sngewtynnad ban sngew ba ki dei shibynta na kaei kaei
 - Kiba bun ki briew kim sngewtynnad ban long kynjah lane long myrwei
“Bad u Trai Uba U Blei u la ong ruh, Ym bit ba uta u briew un sah marwei; ngan thaw ia u ka nongsumar lem kaba biang.” – **Genesis 2:18**
 - U Jisu u iohi ia ka jingdonkam na ka bynta ka jingiasyllok

3. Ki brieve ki Kwah ban Iashim bynta

- Ki brieve ki angnud ban ia shim bynta ban ia kaba shu long ki nongpeitkai
- Ki brieve ki thrang ban ioh noh synniang lang
- Ki brieve ki thrang ban pyndonkam ia ki jingai bad jinglah hangno hangno haba donkam

4. Ki brieve ki Kwah Ban Shah Khein Kor

- Ki brieve ki donkam ban sngew ba ki long kiba myntoi
“Nga kyrpad ia me na ka bynta u khun jongnga u Onesimos ia uba nga la kha ha kine ki jingkhum jongnga; uba mynshuwa u la long u bym myntoi ia me, hynrei mynta u long uba myntoi ia me bad ianga.” – Philemon 1:10-11
- Lada ki brieve ki shah niewkor, kin trei mon sngewbha

5. Ki brieve ki Kwah Ban Ioh Burom

“To phin niew burom ia ki brieve baroh.” – 1 Petros 2:17

- Ki brieve ki kwah ban leh eiei ia ki da kaba niew burom
- Ki brieve ki kordor bha ia u Blei, kumta ruh ki dei ban long ia ngi.

6. Ki brieve Ki Kwah ia Ka Jingithuh

“Kumta nga sngewkmen ha ka jingwan u Stephanas bad u Phortunatos bad u Akhailos, namar ia kaba duna na shaphi ki la ia pyndap noh ma ki. Naba kumta kein ki la ia pynpyngngad ia ka mynsiem jongnga bad ia ka jong phi ruh; namar kata to da niew burom phi ia kiba kum kita.”

– 1 Korinth 16:17-18

- Ki brieve ki donkam ia ka jingsngewnguh
- Ka jingniew burom ka tei ia ka jingsngewskhem

7. Ki brieve ki Kwah Ia Ka Jingkdew Lynti

- Iasam lang ia ka Jingithuhpaw
 - Kum u nongialam, phi dei ban pynshlur bad ai mynsiem ia kiwei
 - Pynthikna ba baroh kin ia peit lang sha ka thong kaba dei na ka bynta jong baroh.
“Ha bym don ka jingithuhpaw, ki brieve ki kynther noh ia ka adong.”
- **Ki Proverb 29:18**
- Ka jingiapyrshang lang
 - Pynthikna ba uwei pa uwei u ia trei lang
 - Wat nym pynrung ia kino kino ki kam kiba phim da thikna bha lane ki bym ia hap bad ka jingithuhpaw lane ki thong jong ka balang.
- Pyndonkam ia ka stai nongialam kaba seisoh tam.
 - Pyrshang pyntrei kam ia ki stai jingialam bapher kat kum ba donkam na ka bynta ki jingjia bapher
 - Pynkhamti ia ki jingbahkhlieh lane ki kam kat kum ka jingdonkam

8. Ki brierw ki Kwah Jingtip
- Pynsngewthuh lang ia ki jingthmu bad ki jingkhmih lynti jongphi.
 - Pynthikna ba baroh ki sngewthuh ia la ka jong ka bynta jongki
 - Wat shu tharai ba ki brierw ki tip eiei, iathuh ia ki
 - Ia sam lang ia ki jingpyntip kiba iadei lang

III. Kumno Ban Pyniaid kam Ia Ki Brierw.

Hange ki don katto katne ki sienjam ba phi bud na ka bynta ban pyniaid khambha ia ki brierw:

Mawjam #1: Kynthup lang ia ki

- Khot sngewbha ia ki ban ia shim bynta
- Pynshlur ia ki ba kin pyndonkam ia ki jingai bakynja mynsiem jongki

Mawjam #2: Burom ia ki

- Niewkor ia ka bhah ba ki wallam
- Pan ia ki jingmut jong ki

Mawjam #3: Ai Jinghikai ia ki

- Iarap ba kin pynroi ia ki jingtbit bad jinglah jongki
- Phah ia ki sha ka training lane hikai hi maphi dalade

Mawjam #4: Ithuh ia ki

- Kubur ia ki jingpynnoh synniang jong ki
- Ai ka burom kaba dei ka jong ki na ka bynta ka jingpyndep jongki ia ka kam.

Mawjam #5: Ai nong ia ki

- Pyni ia ka jingsngewnguh lem bad ki jingai kiba rit
- Khot bam jasngi ia ki lane ka sha lane u kopfi

IV. Pyniaid beit ia ki jait Nongtrei Balang bapher bapher

1. Pyniaid beit ia ki Nongtrei Balang ba la siew

- Ki dei ka bynta jong ka kynhun jingshakri jongphi, kumta leh bha ia ki bad kyrshan ruh ia ki.
- Phin donkam ban aiti ia ki jingbahkhlieh ha ki, ym tang ki jingkam
- Ka jingiatreilang ka dei kaba hakhmat eh, kumta phi donkam ban ia trei lang baroh
- Baroh na ki, ki donkam ia ka jingpynshai kaba thikna ha kaba iadei bad ka jingbahkhlieh bad ka iktiar ba la ai ha ki

2. Ka jingpyniaid ia ki Nongialam Balang

- Bynshet ha ki ia ka jaka lane jingshakri kaba thikna ba kin peit
- Pynskhem ia ka iktiar bad jingsynshar ba halor tam.
- Pynioh ha ki ia ki lad jingialam bad jingiarap ruh
- Pynioh ha ki ia ka jinghikai kaba na ka por sha ka por
- Phikir na ki briew ki ban pynthut ia ka jingshakri jongphi
 - Ki briew kiba kwah ban leh hi ha la ka jongka mon
 - Ki briew ki bym treh ban pyndem ha ka iktiar ka jongphi.

3. Ka jingpyniaid ia ki nongtrei mon sngewbha

- Long u nongpynshlur bad nongpynkhih
- Buh ki jingthmu kiba thikna na ka bynta jongki.
- Bynshet ki kam ryngkat bad ka tarik & sa iai buddien ban pynthikna ia ka jingpyndep
- Pynioh ia ka jingbtin lynti ban pynkhreh ia ki nongialam ba hadien
- Pynshlur ia ki ia ki lad kiba thymmai lane ki jingpyrkhat kiba thymmai
- Bynshet ia ki ha u nongialam lane u nongtrei u ban peit bad pyniaid ia ki

Ka Jingkilan Ha Ka Kam **Jingpyniaid Ia Ki Briew**

Ki Jingbthah: Na ka bynta kawei pa kawei ka jingjia ba la buh beit ha ka kolom kadiang, thoh ia ki Nongrim kiba biang ha Ka Kam Jingpyniaid Ia Ki Briew kaba ïahap :

Ki Jingjia	Ka Nongrim ban Pyniaid ia Ki Briew
1. U dkhot balang u wan shaphi bad ong ba ki kwah ban shakri ha ka kynhun ki nongialam jingmane..	
2.Uwei u nongialam ha ka jingshakri u pan na phi ia ka kyrteng jong baroh ki dkhot balang bad ki jingai bakynja mynsiem ha ki..	
3. Kawei ka longing ka mih noh ka balang jongphi bad iathuh ba kam ithuh iano iano ruh hangta.	
4. Ki samla ha ka balang jongphi ki ia dom namar ym don ba sngap bad pynleit jingmut bha ia ka jingpan jongki na ka bynta ka jingdonkam.	
5. U nongialam jingiaseng khynnah u wan shaphi bad kwah ban tip kumno ka jingshakri jongki ka ïahap bad haei kan rung ha ka jingpynbeit kam jong ka balang.	
6. Ki briew ha ka balang jongphi kim da shim khia ban iarap lem ia ki kam kiba bun.	
7. Arngut na ki nongialam balang jongphi ki ia don ka jingbym ïahap jingmut halor kumno ban pyndep ia ka thong jong ka balang.	
8. U nongiarap kam ba la slem bha ha ka Jingiaseng Khynnah kynsan kynsan u sangeh noh ban shakri ha kata k jingshakri.	

Lynnong 7

Ka Jingpynbeit Ia Ki Jingialeh Pyrshah

“Suk kiba pyniasuk; naba yn khot ia ki ki khun U Blei.”
Mathaios 5:9

Uwei pa uwei u nongialam balang lane jingshakri u dei ban tip ba ki jingialeh makynti ka dei kaei kaei ka bym lah ban kiar ha kano kano ka seng kaba iadei bad ki briew . Kumba la ong mynshuwa, ka balang ka dei ka jingtrei hapdeng ki briew bad la pynshong nongrim ha ka jingiadei. Ia ka jingialeh pyrshah ia U Blei la khot ka pop. Ka jingialeh pyrshah ruh ka lah ban ialam sha ka pop, bad namarkata ngi dei ban phikir bha ba ngin nym ngat ha ka pop **“kaba shait snoh hangi”** kumba la ong ha ki Hebru 12:1. Ha ka jinghikai ong u Jisu halor jongu lum, ha u Mathaios 5:9, U la ong, **“suk kiba pyniasuk naba yn khot ia ki ki khun U Blei.”** U Jisu u khot ianga baroh ban long kiba pyniasuk bad namar ba ka jingialeh pyrshah kan mih, ngi donkam ban long kiba la pynkhreh na ka bynta kata bad ban don ia ka lynti kaba kat kum ka Baibl kumno ban pynbeit ia ka. Ha kane ka lynnong, ngin ia kren ia ka jingdonkam jong ka jingpynbeit ia ki jingialeh makynti, naei ka wan bad kiei ki daw bad kumno ban ithuh bad pynbeit ia ka kat kum ka Bible.

I. Balei ba ka long kaba donkam katta katta ban ioh nang kumno ban pynbeit ia ka jingialeh makynti?

1. Ka jingialeh makynti ka ju don beit ha ka balang ha baroh ki por
 - Man ba phi ia dei kam bad ki briew ka don ruh ka jingialeh pyrshah
 - Ka don ka jingshisha kaba janai, hynrei ka don ruh ka jingsngewthuh kaba iadei
2. Kiba bun eh ki jingeh ha ka balang ki don ka jingiadei bad ka jingialeh markynti
 - Ki lah ban bat ia ka balang bad iada na ka jingsan
 - Ki jingialeh markynti kiba rit ba ria ki lah ban kylla long ki jingeh kiba heh
3. Ka jingialeh makynti ka lah da kaba suk ban pynpait lane phiah ia ka balang **“Bad lada ka ñng de ka ialeh makynti paralok, kata ka ñng kam lah neh shuh.”**
– **Mark 3:25**
 - Da kaba pynlong ki jingialum pyrshah lane jingpeit pyrshah
 - Da kaba pynhiar dor ia ka iktiar jongphi
4. Ka jingpynbeit ia ka jingialeh makynti ka pynlah ia ka balang ban iaid shakhmat
 - Ka weng ia ki diengpynkiang kiba khang ia ka jingsan
 - Ka wanrah ia ka jingtrei na ka bynta ka jingiasngewthuh bad ka jingweng lypa ia ka jingleh makynti kaba lah ban mih

II. Ki tyllong ka jingialeh makynti

1. Hapdeng ki para dkhot
 - Ka jingiapher ka rukom peit ne iohi
 - Ki jingiashem ba iapher
 - Ka thong bad jingpyrkhat ba iapher
2. Hapdeng u pastor bad ki dkhot
 - Ki jingthmu ba iapher
 - Ki jingpynshlur ba iapher
 - Ki stai ba iapher
3. Hapdeng ki rukom peit ba mynshuwa bad jong kane ka juk kaba mynta
 - Ka rukom pyrshah ia ka jinglaitluid
 - Ka jingmyllen pyrshah ia ka jingiaksaid
 - Ka jingiaineh pyrshah ia ka jinglong jem
4. Hapdeng ki pateng
 - Mynta pyrshah ia ka ban sa wan
 - Ki samla pyrshah ia ki tymmen
 - Kaba jam pyrshah ia kaba jem
5. Hapdeng ki jingshakri
 - Ka jingiakop ia ki jingdon jingem
 - Ka jingiakop ia ki briew
 - Ka jingiakop ia ka jingpawnam

III. Ki daw jong ki jingialeh makynti

Ka don ka daw kaba shapoh na ka bynta baroh ka jingialeh makynti bad ka wan na ki 3 ki tyllong:

1. Soitan
 - Man ka por u pynshoi iangi ban leh pop

“To phin leh adkar , to phin ia sharai; naba uta u nongialeh jongphi uba u soitan, kum u sing bakyrhuh u iaaid kylleng, u da wad khnang ia uno uno ruh ba un ioh nguid tylli.” - 1 Petros 5:8

2. Ka jinglong bapop jongngi hi
 - La kha iangi ha ka pop. Ka dei ka jinglong tynrai jongngi.

“Namar kata ka doh ka kwah marpyrshah ia U Mynsiem bad uta U Mynsiem marpyrshah ia kata ka doh, namar kine ki iamarpyrshah, katba phim ioh leh ia kita kiei kiei ia kiba hi da mon.” - Galatia 5:17

3. Ka pyrthei pop
 - Ka pyrthei jongngi ka pyut bad kan pyrshang pynpyut iangi ruh.

*“Naba baroh kata kaba ha ka pyrthei, ka jingkwah brai jong ka doh bad ka jingkwah brai jong ki khmat bad ka jingsarong thala shaphang ka jingim, kam long na U Kpa hynrei na kata ka pyrthei.” –
1 Ioannis 2:16*

IV. Ki daw jong ka jingialeh makynti

1. Ka jingithupaw lane ka thong ka bym shai, ba la buh hadien ki jingiaduwei bad jingpuson bad ruh ki jingiakren.
 - Ki kynhun lane ki briew ki don la ki jong ki jingithupaw lane ki thong kiba ia tyngkhuh
 - Kam don ka jingithupaw kaba tang kawei.
*“Ha ka bym don ka jingithupaw, ki briew ki kynther noh ia ka adong.”
- Proverb 29:18*
2. Ka jingbymdon ka jingpynkhreh kaba la buh beit
 - Kam don ka jingpyrkhat ka ban mang lypa kat kum ka jingdon
 - Ki briew ki ia khun ia ki jingdon kat kum ka jingdonkam ba shimet ym jong ka kynhun
 - Ki briew ki ia khun ia ki jingdon kat kum ka jingdonkam mynta ym ia ka jingdonkam ka ban sa wan
 - Kam don ka jingpynbeit kaba thikna ia ki jingdon jongka balang
3. Ka jingduna ka jingpynlong synran
 - Ym shym la hikai ia ki briew ia ki nongrim khristan
 - Ia ka jingim khristan ym shym la pyni shai ha ka jingialam balang
 - Ym pat ju hikai ia ka jingpynbeit kaba kat kum ka Baibl na ka bynta ki jingleh makynti
4. Ka jingtlot ka jingiadei ha ka ktien ka thylliej
 - Ki briew kim tip thikna ia kiwei pat ki jingdonkam jong ka balang
 - Ki briew kim ia kren thikna man ka por para ma ki
 - Ki jingiakren ka long ban ia pyni nia marpyrshah ha ka jaka ban pyntrei kam
5. Khlem pynbeit ia ki jingeh
 - Khlem pynbeit ia ki jingialeh makynti kiba lah dep
 - Ia ki jingialeh makynti kiba mynta la shu ieh kumto
 - Kam don ka jingpynkhreh lypa ban ia kynduh ia ki jingialeh makynti

IV. Ka jingithuh ia ka jingialeh makynti

1. Ki dak kiba shynna
 - Ki jingbthei shabar jong ki jingsngew
 - Ki jingujor da ki jingthoh
 - Ka jingkren lorni bad jingiathuh khana shane shatai ia ki khubor shu thaw.
2. Ki dak (jingmaham) ki bym da shynna bha
 - Ka jingjah na ki kam balang
 - Ki kam ki suki lane sah kut
 - Kam don ka kyrwoh jingiakren

V. Kaba pynbeit ia ki jingialeh makynti

“Lada u paralok jongme u leh pop ia me, to khie leit, bad sneng ia u haba don tang ma u bad me hi; lada un sngew ia me, me la pynbha ia u paralok jongme. Lada um sngew, to shim lem bad me ia uwei ne arngut kiwei pt, ba da ka shyntur ar ngut ne lai ngut ki sakhi un pynskhem ia ka ktien baroh. Te lada um treh ban sngew ia kita, to iathuh ha ka balang; te lada um treh ban sngew ia kata ka balang ruh, to ai un long ia me kum u Jentil bad u nongkhrong.”

Mathaios 18: 15-17

1. Haba phi don ia ka jingialeh makynti bad kiwei pat:

“Lane kumno ba me lah ban ong ha u paralok jongme, Ko lok, to shah ba ngan khlaw noh ia uto u thngiat uba ha ka khmat jong me; haba me hi mem iohi ia ka khung kaba ha ka khmat jongme.” Luk 6:42

1. Peit haduh katno na kata ka jingialeh makynti ka dei ka jingbakla jongphi
 - Long hok halade bad peit thuh ia ki jaka jong ka jingialeh makynti ba phi bah khlieh maphi (Nuksa: ki kyntien khor, ktien sih, khana lorni, bymlah shah bad kiwei kiwei)
2. Nyngkong pdiang bad phla ia ka bynta jong ka jingialeh makynti kaba mih na ka daw jongphi
 - Haba phi leit ban ia kynduh ia uta u briew uba phi ia tyngkhuh kam, leh ia kumta da kane ka jingthmu.
3. Pan ia ka jingmap na ka bynta ki jingleh bakla jongphi.
 - Shisien ba phi la pan map na uta u briew na ka bynta ka jingbakla ba phi leh ia u bad ba phi ioh pdiang ia kata, phi lah mynta ban kren ia u ne ia ki shaphang kaei ba ki leh ma ki ia phi.
4. Lada phi la ioh pdiang ia ka jingmap, ka jingialeh makynti jongphi ka la kut.
5. Lada uta uwei pat u briew um treh ban map, te phi lah kein ban shim sa ia uwei pat u briew kat kum ka gospel u **Mathaios 18:15-17**

2. La khot iaphi ban pyniasuk ia ka jingialeh makynti:

1. Peit bniah ia ka jingialeh makynti
 - Peit thuh ia ka jingeh, ym ia ki dak bapaw shabar
2. Pynthikna ba baroh kiba ia don kti kin ia mynjur lang shaphang kaei ka long kata ka jingeh. Lada donkam thoh ia ki pop ba la leh khnang ba kin lah ban ia map ia kawei hadien kawei. Peit ia kita kiba ia donkti lang hangta
 - Pynthikna mano kiba ia don kti lang
 - Pynshai bha kumno ki ia don kti lang hangta (kiei ki pop jongki?)
 - Pynsngewthuh balei ki ia shim bynta
3. Pynbeit noh ia ka kat kum ka Baibl
 - Pynndonburom ia U Blei ha kaei kaei baroh ba hi leh !
 - Ai lad ba baroh kin pdiang bad phla ia ki jingbakla jongki (**Luk 6:42**)
 - Ai ba baroh kin ia pan map
 - Lada ka la don ka jingmap, ka jingialeh makynti ka la kut noh
 - Lada ym lah ban poi sha ka jingiamap, donkam ban ia id shakhmat ryngkat bad ki sakhi (kat kum ka gospel **Mathaios 18:15-17**)
4. Pynbeit ia ka da ka lynti kaba suk
 - Ki jingialeh pyrshah ki plie ia ki kabu
 - Wat nym leh pop ha ka jingpyrshang jongphi ban pyniasuk ia ki jingialeh makynti
 - Wat shu nang pynsniew ia ka kam da kaba shu antad. Wad ia ki jingshisha.
 - Kynmaw ia ki hukum kiba khraw tam
 - Ieit ia U Blei

“U Jisu te u la iathuh ha u, Men ieit ia u Trai Uba U Blei jongme da ka dohnud jongme baroh, bad da ka mynsiem jongme baroh bad da ka jingmut jong me baroh .” – Mathaios 22:37
 - Ieit uwei ia uwei pat

“Kaba ar ruh ka long kum kata, Men ieit ia U paramarjan jongme kumba ialade.”
- **Mathaios 22:39**

VI. Kaba ioh ia kaba shadien jong ka jingialeh makynti

1. Ngi don ia la ka jong ka jingbahkhlieh na ka bynta ki kam jongngi hi
 - Im kumba kiba stad

“To khmih bha te kumno hi ia id, ym kum ki bym stad, hynrei kum kiba stad...”
– **Ephesos 5:15**
 - Tang U Blei hi uba lah ban pynkylla ia ki dohnud

“Bad U Mynsiem jong u Trai un wan jur ha me, bad ma me hi ruh men iathuhlypa lem bad ki, bad yn pynkylla kum uwei pat u briew ia me.”
- **1 Samuel 10:6**

2. Ka jingmap ka dei ka bor
 - Ka buh noh shadien ia ki jingialeh makynti
 - Ha ki kyntien u Jisu, “to khie leit noh bad wat leh pop shuh”

“Nga ruh nam pynrem ia pha; to khie leit noh bad to wat leh pop shuh.”– Ioannis 8:11

3. Long u nongpyniasuk

*“Suk kiba pyniasuk, namar yn khot ia ki ki khun U Blei.”
– Mathaios 5:9*

VII. Ki jingiapyrshah kim long barabor kiba sniew.

1. Ka long kaba lah ban don ki jingialeh makynti khlem da leh pop.
(Nuksa: ar tylli ki jngai jingmut kumno ban pynjem ia ka jingeh, baroh ar ki ia trei lang ban poi sha ka thong kaba bha tam na ka bynta ka jingiabit lang)
2. Ka jingialeh makynti ka lah ban iohi ia kaei kaei kaba i donkam ban ia kren.
(Nuksa- ka rukom trei kam kaba dang donkam ban pynjanai lane ki rukom trei kam kiba dang donkam shuh shuh ia ka jingpynshai)

Ka Jingkilan Kumno Ban Pynbeit Ia
Ka Jingialeh Makynti

Ki nuksa jong ka jingialeh makynti ha ka balang	Ki jingpynbeit ba donkam
<i>1. Ki nongialam Seng Samla kiim ia hun ia ka rukom pynbiang ia ki jingdonkam bad jingai jaka bad ki ong ba ki dang donkam shuh shuh</i>	
<i>2. Ka Kynhun ki Basan ka don ha ka jingbymlah ban ia mynjur bad u pastor halor ki jingbthah bathymmai jong ka balang.</i>	
<i>3. Ki katto katne ki dkhot barim jong ka balang ki khñium shaphang ka jingtem thymmai ban ialam jingrwai kaba phi pyndonkam bad ki kwah ban nang pynkhlain ia ki jingrwai kiba la rim bad kham slem.</i>	
<i>4. Ki artylli ki longing ha ka balang jongphi ki la don ka jingashrut kaba kthang bha halor ki jingaknieh jaka puta bad phi iohi ba kiwei pat ki dkhot ki sdang ban ia shah liang.</i>	
<i>5. Ki don ki khana pynheh shaphang u nongialam jingrwai jongphi hana ba u dang im ka jingim kaba awria.</i>	

Lynnong 8

Ka Jingpynlong Synran

“Namarkata kein to khie da leit noh maphi, to pynlong synran ia ki bynriew baroh, da pynbaptis ia ki ha ka kyrteng ka jong U Kpa, bad ka jong u Khun bad ka jong U Mynsiem Bakhuid.”

Mathaios 28:19

La pynlong ia ka balang ha pyrthei ban khring ia ki briew sha ka jingiaidei bad U Blei lyngba U Jisu Khrist. *“Namar U Blei um shym la phah ia U Khun sha ka pyrthei ban pynrem ia ka pyrthei hynrei ba yn pynim ia ka pyrthei da u.”* (Ioannis 3:17) Kum ki nongialam, ka kam kaba hakmat eh iangi kam dei ban pyniaid beit ia ka balang, hynrei khamtam eh ban *ialam* ia kiwei sha u Khrist. Ngi khot ia kata ka jingpynlong synran. Kam pher ngi ialap, ngi hikai, ngi pynphriang lane ngi mane, ka long kaba kongsan eh ba ka jingthmu jongngi ka dei ban iohi ba “yn pynlong ia u Khrist ha phi” (Peit **Galatia 4:19**). Ha kane ka lynnong, ngin sa ia kren ia ka jinglong synran, ka jingthmu jongka, ki nongrim bad jingpyniaid bad ka jingdonkam jong ka jingpeit bniah ia ka jingiaid shaphrang.

Kaei ka jingiapher hapdeng ka jinghikai bad ka jingpynlong synran?

- Ka jinghikai ka dei ka jingai pateng ia ka jingshemphang lane jingtip. Ka dei shaphang ka *Jingtip*.
- Ka jinglong synran ka dei shaphang kaba pyntreikam ia kata ka jingshemphang lane jingtip. Ka dei shaphang *kaba leh*.

I. Ka jingthmu jong ka jinglong synran

1. Ban peit ba ia U Khrist la pynlong ha kiwei pat
“Ko khun hep jongnga, ia kiba nga suh khun pat tad ynda yn pynlong ia U Khrist haphi.” – Galatia 4:19
 - Kane ka dei **KA** thong jong ka balang
 - Baroh ka bneng ka leh kmen haba la shem pat ia uwei u khun ba la jah!
“Kumta nga ong iaphi, ba ka jingkmn ka long ha khmat ki angel ha U Blei na ka bynta uwei uba pop uba kylla kaba mut.” - Luk 15:10
2. Ban pynroi ia ki Jingai Bakynja Mynsiem jong kiwei
“Hynrei la sam ia ka jingpynpaw u Mynsiem ha uwei pa uwei ia ka ban pynmyntoi.” - 1 Korinth 12:7
 - Ban pynmih ia ki jingai kiba la don lypa ha ki dkhot ka kynhun jongphi
 - Ban pyntreikam ia ki jingai ba ki dkhot jong ka kynhun jongphi ki la don

3. Ban pynbit bad pynkieng atiar ia kiwei na ka bynta ka jingshakri
“Ka jingthoh baroh ka long kaba la pyrsad mynsiem da U Blei, bad kaba myntoi ia ka jinghikai, ia ka jingsneng, ia ka jingpynbeit, ia ka jingpynmien kaba ha ka hok, khnang ba u briew jong U Blei un ioh long janai, haba la pyndap biang ia u sha ka jingleh babha baroh..” – **2 Timothi 3:16-17**
 - Na ka bynta ka jingshakri sha ki dkhot balang
 - Na ka bynta ka jingshakri sha kito kiba shabar ka balang
4. Ban pynroi ia ka jingsan jong ka balang
 - Ki synran ki pynlong synran ia kiwei pat
“Namarkata kein to khie da leit noh maphi, to pynlong synran ia ki bynriew baroh ...”- **Mathaios 28:19**
 - Ban pyniar shuh shuh ia ka jingshakri jongphi sha kiwei pat ki briew
5. Ka long kaei kaei kaba la donkam lypa ban pyniaid shaphrang ia kiwei pat ki nongialam
 - Ki nongialam kiba khlain ki donkam ban ioh pynbit shuwa kum ki synran
 - Ka jingngeit kaba khlain ka dei ka kyndon badonkam palat ia ki nongialam

III. Ki nongrim jong ka jinglong synran

1. Ka jinglong synran kam ju kut
“Naba kumta da kaba iehnoh ban kren shaphang ki jinghikai kiba nyngkong shaphang U Khrist, ia ngin ia nang iaaid shaduh ka jingpynjanai....” – **Hebrews 6:1**
 - Ym ju don uba la pyndep lut
 - Ka jingiaid lynti hi ka donkam kumjuh kum kaba kut.
2. Ka dei ka jingpynbeit kaba nyngkong eh jong ka balang
“Namarkata kein to khie da leit noh maphi, to pynlong synran ia ki bynriew baroh.” – **Mathaios 28:19**
 - La pynlong ia ka balang na ka bynta kane ka jingthmu
 - Kawei pa kawei ha ka balang ki ioh myntoi na ka
 - Katba nang lah ban pynlong synran, ki briew kin nang shakri khambun
 - Katba ki briew ki dang long synran kin nang lah ban iatrei lang ha ka jingshakri
 - Katba nang lah ban pynlong synran ki briew kin nang ai kham bun sha ka balang
3. Ka jingpynlong synran ka shim shibun ka por.
 - Kan nym jia tang shimiet lane wut wut
 - Kumno phi kiew sha kliar ki lum? Shisynjam hadien kawei pat.

4. Ka jingpynlong synran ka dawa shibun ki jingpyrshang
 - Ki briew ki donkam jingiarap
 - Ki briew ki donkam ia ka jingpynshlur
 - Ki briew ki donkam ia ka jingkitkhlieh
5. Ka jinglong synran ka iadei bad ki briew
 - Pynrung lang ia kiwei ki ban iarap pynlong synran ia ki dkhoh jong ka balang jongphi
 - Ki jingphla ki long ki atiar kiba donbor shibun
 - Uwei pa uwei u khristan u donkam ia ki hynmen ki para ki ban ia iaaid lang bad ki

“Namar lada kin ur, uwei un khyllie ia la u lok; hynrei kordit ia uta uba marwei haba u ur, bad um don mano mano ban khyllie ia u.!” – Ekklesiastis 4:10
6. Ka jinglong synran ka donkam ia ka jingangnud
 - Phi dei ban kwah ba yn **“pynlong ia u Khrist ha kiwei”**- Galatia 4:19
 - Baroh ngi dei ban sliang ban san ha ka jingngeit jongngi

“To wan hajan ia u Blei te un wan hajan iaphi.” – Jakob 4:8

IV. Ka Jingpynkhereh jong ka jinglong synran

A. Kiei ki Dak jong ka Jinglong synran?

1. KA JINGNGEIT

“Ngi iaaid da ka jingngeit, ym da ka jingiohi” - 2 Korinth 5:7

- U synran u iaaid da ka jingngeit
- U synran u shaniah ha u Blei
- U synran u bat skhem ia ka jingngeit ha ki por ki jingjynjar

2. Mane

“U Jisu u la iathuh ha u, Men ieit ia u Trai Uba U Blei jongme da ka dohnud jongme baroh, bad da ka mynsiem jongme baroh bad da ka jingmut jongme baroh bad da ka jingmut jongme baroh.” - Mathaios 22:37

- U synran u ithuh ia U Blei kum uba donbor tam
- U synran u ai barabor ia ka burom sha U Blei!
- U synran u wan bam mane man ka por

3. Ka jinghikai na ka Ktien U Blei (Bible Study)

“Ka jingthoh baroh ka long kaba la pypsad mynsiem da U Blei, bad kaba myntoi ia ka jinghikai, ia ka jingsneng, ia ka

jingpynbeit, ia ka jingpynmlien kaba ha ka hok, khnang ba u brierw jong U Blei un ioh long janai, haba la pyndap biang ia u sha ka jingleh babha baroh..”

- 2 Timothi 3:16-17

- U synran barabor u ioh jinghikai ia ki lynti U
- U synran u thrang ia ka jingstad jong U Blei
- U synran u peit sha ka Ktien U Blei na ka bynta ka jubab

4. **Ka jingduwai**

“To duwai khlem da pud .” - 1 Thessaloni 5:17

- U synran u ia kren bad U Blei man ka sngi
- U synran u im ha U Mynsiem
- U synran u shem ia ka mon jong U Blei na ka bynta ka jingim jong ki

5. **Ka jingshakri**

“Naba kumta ko parabangeit baieit jongnga, to long phi kiba iaineh skhem bad ki bym kynriah noh bad kiba man kyrhai man la ka sngi ha ka kam U Trai, haba phi tip skhem ba kata ka jingtrei minot jongphi kam ju long kaba lehnohei ha U Trai.”

- 1 Korinth 15:58

- U synran u shakri ha ka Met jong u Khrist
- U synran u shakri shuwa ia kiwei pat ki brierw
- U synran u bud ia ka nuksa u Jisu

6. **Ka kam Mission & Sakhi**

“Hynrei phin ioh diang ia ka bor, ynda la wan U Mynsiem Bakhuid ha hi ba phin long ki nongphla ianga ha Jerusalem bad ha Judia baroh bad ha Samaria bad haduh bakut ka pyrthei.” – Ki Kam 1:8

- U synran u iathuh ia kiei ia kaei ba U Blei u la leh
- U synran u leit sha kaba u Blei u ialam ia ki
- U synran u pynmih ia kiwei pat ki synran

B. Kaba pynwandur ia ka Plan ban pynlong synran

1. Pynkhreh ia ki thong na ka bynta ka jingpynlong synran
2. Ithuh ia ki nongialam bad ki nonghikai kiba don jinglah
3. Da thmu thikna bad shim khia.
4. Pynkhreh ia ki buit trei kam na ka bynta ka jingpynlong synran, kum kawei na kine harum:

Sienjam 1: Ka jinghot sngewbha sha ka **Jingmane**

- Ka sdang da ka jinghot sngewbha ba kin wan sha ka jingmane lang
- Shah ia ki ba kin mad ia ka jingdon ryngkat jong u Mynsiem Bakhuid
- Duwai ba U Mynsiem Bakhuid un ktah ia ki ha ka rukom kaba kyrpang
- Haba ki la shah ktah, pynshlur ia ki ban pdiang ia u Khrist
- Pynshlur ia ki ban pynlong ka jingphla paidbah ia ka jinggeit jongki

Sienjam 2: Pynrung ia ki ha ka **Jinghikai Bible**

- Pynrung ia ki ha ka jinghikai Bible kiba thikna
 - Hikai ia ki nongrim khristan
 - Hikai ban im da ka jinggeit
 - Hikai ia ka Rukom peit kaba na ka Bible
- Pynshlur ia ki Jingpule Bible ba man ka sngi

Sienjam 3: Pynshlur ia ka jingim jong ka **Jingduwai**

- Pynioh ia ka jinghikai shaphang ka jingduwai
- Ai lad ia ki ban ia shim bynta ha ka jingshakri jong ka jingduwai.

Sienjam 4: Pynrung ia ki ha ka **Jingshakri**

- Ki donkam ban shakri ha ki balang jongki
 - Kum ki dkhot jong ka balang ki donkam ban kyrshan ia ka
 - Kum ki dkhot jong ka Met U Khrist ka long kaba dei ban leh
- Ai ia ki ba kin shakri kat kum ka jinglah jong ki
 - Kat kum ka jingai bakynja mynsiem ba ki don
 - Kiwei pat ki sap bad jingtbit ba ki don

Sienjam 5: Pynkhih ia ki dkhot sha ka **Jingshakri**

- Plie ia ki lad sha ka kam Mission
 - Ha shnong
 - Ha ka ri
 - Sha kylleng ka pyrthei
- Pynioh ia ka jinghikai halor ka kam ialap
 - Pynkhreh ia ka jingphla
 - Pynkhreh ia ka kyrteng jongki briew na ka bynta ba kin ioh leit ban sakhi sha ki
- Ai jinghikai ia ki na ka bynta ka jingialam ha ka balang lane jingshakri

Sienjam 6: Pynkhih ia ki dkhot na ka jinglong synran sha ka **Jingpynlong Synran** ia kiwei pat

- Pynshlur ia ki ba kin iarap ia kiwei ba kin san
- Ai jinghikai ia ki ban hikai ia kiwei pat

C. Ka Peit Thuh Kaba Iai Bteng

- Peit thuh man la ka snem ia ka jingiaid shaphrang ka jingpynlong synran da kaba kylli ia kine ki jingkylli:
 1. Katno ngut ki dkhot kiba ia shim bynta bha ha ka kam jingpynlong synran?
 2. Hangno ba ngi ioh jingjop kham bun?
 3. Hato ki dkhot jongngi ki nang san ha ka jingngeit ba shimet jongki?
 4. Hato ka sei soh na ka bynta ka balang? Na ka bynta ki shimet ?
 5. Kaei ka jingktah sha ka balang jongngi ? Ka jaidbynriew jongngi?

- Pynbiang pyrla katba donkam
 - Pynshlur ia ki jingiashim bynta ha ki klas lane jingpule kiba ai jingjop
 - Pyndonkam ia ki jingphla ban pynshlur ia kiwei

Ka Jingpynmien Ban Pynlong Synran

Ki Jingbthah: Pyndap ia ka jingkhein harum da ki jingpyrkhat lane jingai jingmut jongphi halor kiei ki phang ki ban kynthup ha la ki jong ki jong ki kyrdan ai jinghikai ha ki prokram pynlong synran jong ka balang:

- **Bangeit Bathymmai :** Kyrdan 1 (Ki jingsdang ha ka *Jingngeit*)

1. Uei U Blei?	5.	9.
2. Ka Jingpynbaptis	6.	10.
3. Ka Jingkhawai U Trai	7.	11.
4. Ka jingpeit kyllum ia ka Bible (OT & NT)	8.	12.

- **Bangeit ba Dang Sdang :** Kyrdan 2 (*Ki nongrim jingngeit*)

1. Ka Jingpynlong - Genesis	5.	9.
2. Ski Jingai Bakynja Mynsiem	6.	10.
3. Ka Jingim Khristan - NT	7.	11.
4. Ka Jinglong Lai ha Uwei	8.	12.

- **Bangeit Baskhem :** Kyrdan 3 (*Ka Jingsan Jingngeit*)


1. OT Histori	5.	9.
2. Soitan & Jingsniew	6.	10.
3. Jingngeit – Hebru	7.	11.
4. Jingsan Bakynja Mynsiem	8.	12.

- **Bangeit Bakhlain :** Kyrdan 4 (*Ka Jingngeit ha ka Jingleh*)

1. Kaba Hikai ia ka Ktien	5.	9.
2. Jingialam ha ka Jingshakri	6.	10.
3. Ki Mission	7.	11.
4. Ki Sngi Bakhatduh– Jingpynpaw	8.	12.

Ka Thup 3

Ka Jingpyniaid Beit Ia Ka
Jingdon Jingem



Lynnong 9

Ka Buit Ban Pyntrei Kam

“Naba uno naphi uba mut ban tei ia ka kut, u bym da shong khop shuwa ban khein ia kaba lut, la u don biang ne em ia ka ban pyndep? ioh, haba u la seng ia ka nongrim bad ba um lah ban pyndep, baroh kiba iohi kin sdang ban ia rkhe bein ia u.”

Luk 14:28-29

Ka buit ban pynkhreh lypa ka dei ka bynta kaba donkam ha ka jinglong nongialam balang. U Robert Schuller, u nongthoh bad u Pastor of ka Crystal Cathedral ha California, u ong, *“Kito kiba troiñ ban pynkhreh ki la pynkhreh lypa ban troiñ.”* Ban don ia ka jingpynkhreh kaba thikna ka iarap ia ka balang ba kan pyntreikam ia ki jingdon jingem bad pyntrei kam ia ki ha kata ka rukom kaba bha tam ban poi shaka jingiohipaw jongki. Khlem ka plan, ki balang ki shu pynsyruwa kai ia ki jingdon bad ka por bakordor bad kin nym lah ruh ban poi sha kaei kaba U Blei u la khot ia ki ban leh. Kaba don pat ia ka plan kam khang lad ia ka balang ban pyndep ia ka jingpynkhreh kaba ki mut ban leh, hynrei ka pynskhem pynban ia ka nongrim ha kaba ka balang kan pyniaid beit bad pyntreikam ia ki jingdon jingem jongka na ka bynta ka jingseisoh kaba heh tam. Ha kane ka lynnong, ngin sa ia kren ia ki mat jong ka buit pyntreikam bad kumno ban pynroi ia kata ruh ha ka balang jongphi.

I. Kaei ka buit pyntreikam?

- Ka buit trei kam ka dei ka jingnang ban pynbeit ia ki jingkam ba ka thong ban poi sha ka jingithuhpaw
- Ka buit trei kam ka iathuh iaphi kiei ki lad kiba phin pyndonkam, lano phin pyndonkam ia ki bad kumno phin pyntreikam ia ki

II. Balei ba ka balang ka donkam ia ki buit trei kam?

- Ban buh ryntih ia ka jingpynbeit na ka bynta ka lawei

“Hynrei balei ba phi khot ianga, Ah Trai, Ah Trai, bad him leh pynban ia kiei kiei ruh kiba nga ong? Uei uei baroh uba wan hanga bad uba iohsngew ia ki ktien jongnga, bad uba leh ruh ia ki, ngan pyni haphi iano u syriem. U long kum u briew uba tei ia ka ing, uba la tih bad uba la ngam jylliew bad uba la seng nongrim halor u mawsiang; te haba la jia ka jingshlei, ka um ka la shoh kyrthep ia kata ka ing, hynrei kam lah shuh ban pynkhih ia ka; naba la pynshong nongrim ia ka halor u mawsiang. Hynrei uta uba iohsngew, bad u bym leh, u long kum u briew uba la tei ia ka ing halor ka khyndew, khlem nongrim; ia kaba ka um ka la shoh kyrthep bad kumne kumne ruh ka la kyllon: te ka jingjot ka jong kata ka iing ka la long kaba khraw..” – Luk 6:46-49

- Ban ialam bad kdew lynti ia ki jingkam bad jingshakri babun jong ka balang
- Ban kiar na ki jingpynwit
 - Ka iarap ban pynneh ha ka jingithuhpaw bad ka mission

“Naba kumta mangi ruh, haba la ker tawiar iangi da u lyoh ki sakhi katne katne, to ngin bred noh ia ka jingpynwit baroh, bad ia kata ka pop kaba shait snoh hangi bad to ngin iapher da ka jingiaishah ia ka jingiaphet thong ia kaba la buh hakhmat jongngi.” – Hebru 12:1

- Ban iada na ka jingdat na ka lynti kaba dei
- Ban pyntreikam thikna ia ki jingdon jingem
 - Ban pynlah ia ka jingpyntrei kam kaba seisoh ia ki lad lane jingdon jingem
 - Ban wanrah ia ka jingseisoh kaba bha tam na ki lad kiba lah ban ioh.
- Ban iada ia ka jingialeh makynti ha ka lawei
 - Kiar na ki jingialeh pyrshah shaphang ki lad ki lynti lane jingdon jingem
 - Kiar na kaba ialeh pyrshah ia ki thong

III. Kaei kaba kynthup ha ka buit trei kam ?

Ki don 7 tylli ki bynta jong ka buit trei kam. Kita ki long:

1. Ka Jingiathuh ia ka jingithuhpaw

- Batai ia ka jingangnud ka ban mih na kaba phi pyrshang ban pyndep
- Kaei *ka thong* kaba hakhmat duh jongphi?

2. Ka jingiathuh ia ki Jingdonkam

- Batai kaei kaba phi donkam ban pyndep ia ka jingithuhpaw
- Pynleit jingmut ha kaei kaba phi donkam, ym kumno ban ioh ia ki

3. Ka jingpynkhreh ia ki jingkam

- Pynthikna ki jingdonkam aiu phin pyntreikam na ka bynta kawei pa kawei ka jingdonkam
 - Pynbeit *kumno* ban pynioh ia kawei pa kawei ka jingdonkam
 - Kaei kaba phin leit ban da leh kyrpang
- Kut jingmut kiei ki jingkam kiba dei ban hakhmat eh ia kiwei pat
- Batai bniah ha ka jingpynbeit kiei ki jingkam kiba dei ban pyndep
 - Ki katto katne ki jingkam ki dei ban ia id hashuwa ia kiwei pat
 - Ki katto katne ki jingkam ki lah ban long kiba donkam eh ha ka jingshakri jongphi

4. Ka Jingbuh Por

- Batai bniah lano phi mut ban leh ia ka kam
- Kdew katno slem ba kawei pa kawei ka kam kan shim por
- Iathuh lypa lano ba dei ban pyndep ia kata ka kam

5. Ki jingdonkam

- Kiei ki jingdonkam ba la don lypa kiba donkam?
 - Batai bniah kaei ba ki briew ki donkam ban trei ka kam
 - Pynthikna ia ki tiar ki tar ba donkam
 - Khein lypa ia ki jingdon pisa kiba donkam
- Kiei ki jingdonkam bathymmai ba donkam ?
 - Ki tiar ki tar trei kam
 - Ki tiar ki tar ba donkam
 - Ki briew
- Ka jinghikai aiu ba donkam?
 - Ki briew ki ban ialam ia ka jingshakri
 - Ki briew ki ban trei ia ka jingshakri

6. Ki buit

- Batai bniah ia ki lad ki kabu kiba thikna ba phi don
- Khein lypa kumno ban pyndonkam bor bah ia ki jingai jong ki dkhot jongphi
- Kheĩn kumno ban shim kabu na ki jingdon jingem ba phi la don lypa

7. Ka Kynhun

- Khein lypa mano ban bat ia kaei ka kyrdan
 - Na ka bynta ban rai ia ki projek
 - Na ka bynta ban rai ia ki kam pynlut pisa
- Peit lypa mano ban shim ia ka jingbahkhlieh
 - Na ka bynta ban iashem ia ka thong jong ki projek
 - Na ka bynta ban pyndep ia ki kam
- Khein lypa ka kynhun aiu kaba donkam bad mano ban don hangta

IV. Kumno ban pyniaid shaphrang ia ka buit trei kam?

Hangne ki don katto katne ki sienjam ban pyndonkam ha ka ban pyniaid shaphrang ia ka buit trei kam:

1. Pynbeit ia ka kynhun jong ka buit trei kam

- Jied ia ki briew kiba ha khmat eh
- Jied ia kito kiba don ia ka jingtbit lane ka tynrai kaba iadei
- Pynlang ia kito kiba don ia ka jingshitthem na ka bynta ka projek

2. Pruid dak ia ka Plan jongphi Plan

- Sdang na ka jingpruid dak kaba suk
- Batai ia ka jingiohi jongphi bad ki jingdonkam ba hakmat eh

3. Wanrah ia ki jnit ki jnat ba donkam sha ka Plan

- Buh ryntih ia ki jingkam ba phi mut ban pyntrai na ka bynta kawei pa kawei ka jingdonkam
- Ia kren bniah ia ki bynta jong kawei pa kawei ka kam
 - Ka Por
 - Ki jingdon jingem lane ki lad ki kabu
 - Ki buit
 - Ka kynhun trei kam
- Peit bha ia baroh ki jingpyrkhat bad/lad jingai jingmut na ka kynhun
- Ai ba kan mih ka plan nangta

4. Lum ia ki jingbynrapp na kiwei pat ha ka balang

- Ban pynheh ia ka plan lane wanrah ia ki rukom pyrkhat thymmai
- Bann ioh ia kiei pat ki rukom peit kiba lah ban iarap shisha
- Ban iarap ban kiar na kaba sahkut lane shah sangah ha ka jingkhang lynti

5. Pynkhreh ia ka jingthoh buh jingkyrmaw

- Kaba thoh ia ka plan ka iarap ban kham pynshai ia kata
- Lah ban pynphriang ba kiwei kin ioh kynthoh halor kata
- Ka wanrah ia ka mat ba kongsan na ka bynta ka jingiakren bad jingiapynti lang
- Ka dei ka jingmih kaba lah ban iohi lypa naduh kaba pynkhreh ia ka

6. Pynkut ia ka Plan

- Pynkhreh da ka jingthoh kaba kut ia ka buit trei kam
- Ai ba ka ki dkhot jong kynhun kin peit biang ia ka Plan
- Ai ba baroh ki briew ha ka kynhun kin soi ia ka jingthoh
 - Ban kubur ia ka jingiamynjur jongki
 - Ban kiar na ki jingialeh pyrshah ha ka lawei

7. Pynphriang ia ka Plan

- Pynioh ia ki kopi jong ka jingthoh sha ki nongialam ba ha khmat
- Wanrah ia ka Plan jongphi sha ka balang lane jingshakri

Ka Jingkilan Ia Ka Buit Trei Kam

Ka jingiathuh ia ka Jingithuhpaw _____

Ka Thong #1: _____

Ki jingkam:

1. _____
2. _____
3. _____
4. _____
5. _____

Ka thong #2: _____

Ki jingkam:

1. _____
2. _____
3. _____
4. _____
5. _____

Ka Thong#3: _____

Ki jingkam:

1. _____
2. _____
3. _____
4. _____
5. _____

Ka Thong#4: _____

Ki jingkam:

1. _____
2. _____
3. _____
4. _____
5. _____

Lynnong 10

Kaba Jingpyniaid kam Pisa

“Phim lah ban shakri ia u Blei bad ia ka spah .” – Mathaios 6:24

Kaba shynna bha ka long ba baroh ki jingshakri ki donkam la kumno kumno ia ka pisa ban pyntreikam. Kum u nongialam balang, phi don ia ka jingbah khlieh ban pynthikna ba baroh ki jingainguh ba la lum dei ban buh jingkhein thik pa thik bad baroh ki jingpynlut ha ka kam jingshakri ki dei ban dei kiba beit bad ba la buh jingkhein bha. Kane ka dei kaba shong ain, hynrei, khamtam eh, ka dei ka hukum jong ka Bible ruh! Kaba pyniaid beit ia ka kam pisa jongka balang lane jingshakri jongphi ka pyni sha u Blei bad sha ki dkhot balang jongphi ba phi long uba lah ban shaniah. Ka Bible ka maham iangi ba kaba bakla ban buh beit ha ka rukom kaba biang tam ia ka kam pisa jongphi ka shu ialam sha ka ban jot bad jynjar. Ha kane ka lynnong, ngin ia peit balei ba kaba pyniaid beit ia ka kam pisa ia long kaba donkam haduh katta katta, kiei ki nongrim jong ka, kumno ban pynmlien ia ka jinglong hok ha ka kam pisa bad kiei ki jingmyntoi jongka.

I. Balei Ba Ka Jingpyniaid beit Ia Ka Kam Pisa Ka Long Kaba Donkam?

1. Ka Bible ka iathuh ba ka pisa ka lah ban pynmih bun ki jingeh
“Namar u thied jong ki kynja basniew baroh long kata kaba ieit sbai.” – 1 Timothi 6:10
 - Ka jingbymbiang bha ha ka rukom pyniaid ia ka kam pisa ka ialam sha ka jingktha khlieh bad kiwei pat ki jingeh
 - Kiwei pat ki pop (kaba thoh, kaba tuh, kaba ikwah, ka kamai bymhok bad kiwei)
“Ka hok ka sumar ia uta uba beit ha la ka lynti; hynrei ka jingbymman ka pynkyllon ia u nongpop.” - Proberb 13:6
 - Ka pynjot ia ka jingiadei
“Uta uba iaid beit u iaid skhem; hynrei uta uba pyndor ia la ki lynti yn ithuh ia u..” Proberb 10:9
 - Ka pisa kam dei kaba thong, ka dei ka lynti sha ka thong
 - Ka pisa ka dei ka jingdon ba phi pyndonkam ban poi sha ka thong
 - U Blei un pyndap ia ki jingdonkam kiba phi donkam ban trei ia ka kam jong U
 - Ka bor jong ka pisa halor ki briew ka dei kaba la buh jingthoh thikna
 - Ka wanrah bunsien ia ki rai kiba sniew
 - Ka lah ban kut ha ka jingshah set byndi
 - Ka pisa ka lah ban kylla blei lane blei thaw ban mane
“Phim lah ban shakri ia u Blei bad ia ka spah.” – Mathaios 6:24

- Ban beh brai ia ka spah ka long hi kumba beh brai ia ki blei thala
2. Phi lah ban duh noh ia ka jinglaitluid ha U Khrist da kaba kylla long mraw jong ka spah Ka ba pyndonkam bymhok ia ka pisa ka dei ka jingshukor ia U Blei
 - Ki jingkyshew ba la ai sha ka balang la ai kein sha U Blei
 - Baroh kaba ngi don ka dei ka jong U, ngi dei tang ki sordar (nongpyniaid)
 - U Blei u don ka plan na ka bynta ki jingdon jingem jongngi bad kumno ban leh bad kita.
 - Ka jingpyndonkam bakla ia ka pisa ka long hi kumba tuh ia ka
 - Phi lute na ka balang
 - Phi lute na u Blei (**Malakhi 3:8**)
 - Kaba tuh kam pyni satia ia ka jingieit
“Ka jingieit kam ju trei kaba sniew ha la u paramarjan.” – Rom 13:10
 3. Ka jingpyniaid kam pisa kaba tlot ka dei ka jinglong sordar kaba tlot
 - Ka jinglong sordar kaba tlot kam dei ka rukom pyniaid kam pisa (ia ki jingai jong U Blei) kaba stad
 - Kaba pyndonkam da ka jingstad ia ki jingai jong U Blei ka pynmih ki soh na ka bynta ka Hima
 4. Ka rukom pyniaid kam pisa kaba bha ka tei ia ka jingshaniah
 - Lada phim lah ban pyniaid beit ia ka pisa, phin nym lah ban pyniaid beit ia kiei kiei kiba kynja mynsiem
“Namarkata lada phim shym long kiba lah ban shaniah shaphang ka spah bymhok, uei uba shaniah haphi ia ka spah kaba shisha? - Luk 16:11
 - Ki briew kin shaniah ia hi lada phi shaniah ha u Blei
“Jar uba long uba lah ban shaniah ha iba khyndiat eh, u long uba lah ban shaniah ha kaba shibun ruh: bad jar uba long u bym hok ha iba khyndiat eh, u long u bym hok ha kaba shibun ruh.” – Luk 16:10

II. Kaei ka Nongrim jong ka Rukom Pyniaid Kam Pisa?

“Wat khrong tam ia kaba la buh iaphi. Ki shipai ruh ki la kylli de ia u, ki da ong, Ngi pat ngi dei ban leh aiu? U la ong ha ki, Wat leh jubor iano iano ruh, lymne wat shim klop eiei; to sngewhun ruh bad la ka bainong.”

Luk 3:13-14

1. Sngewhun ha kaei kaba U Blei u ai haphi
 - Pan na u ia kaei kaba phi donkam
 - Shaniah ha U Blei ban pyndap ia ki jingdonkam jongphi
2. Wat pyndonkam ia ka pisa na ka bynta kiwei pat ki jingthmu ki bym shym la thmu na ka bynta kata

- Wat pan pisa na ka bynta kawei bad pyndonkam shawei pat
 - Burom ia ka jingai jong ki briew
3. Wat ju pyndonkam ia ka pisa balang na ka bynta ka jingkwah ba shimet
 - Wat ju shim ia ka pisa na ka balang ban pynhun ia ka jingangnud lane ka jingkwah ba shimet
 - Wat ju ai ia ka pisa balang sha kiwei pat na ka bynta ka jingangnud lane jingkwah ba shimet
 4. Buh jingkhein ia baroh ka pisa ba ioh pdiang
 - Buh jingkhein ia BAROH ki jingioh bad jingai sngewbha ba la ioh pdiang
 - Buh jingkybmaw ia baroh ki kam ba la kyrpad na ka bynta baroh kiba synniang bad ai burom ia ki
 - Buh jingkhein thikna bad shai ia baroh ki jingpyndonkam
 5. Ai jingkhein ia baroh ka pisa ba la pynlut
 - Buh jingthoh ia BAROH ki jingpynlut
 - Buh receipt na ka bynta baroh ki jingpynlut
 6. Pynbeit bha ia ki rukom ban leh ha kaba iadei bad ki jingthied kiba heh
 - Wat nym shah ba uwei u briew u peit lut ia ki jingthied kiba heh
 - Pynbeit bha ia ka ban peit bniah na baroh ki liang ia baroh ki jingpynlut kiba heh
 - Donkam ia ka jingpyndap ha ki jingthoh ia ka jingmynjur ha ka ban pynlut pisa
 7. Wanrah barabor ia ka jingpyntip shaphang ka kam pisa
 - Ki pisa ba la ioh lum
 - Ki pisa ba la pynlut
 - Kaba sah ha kti
 8. Pyndonkam ia ki briew ba laitluid ban bishar bniah na ka por sha ka por ia ki kam pisa tyngka jong ka balang
 - Ai ba kiba na shabar jong ka balang kin pynpeit bniah ia ki jingbuh jingkhein jongphi
 - Pynlong ia ka jingpan jingkhein kaba shisien shisnem

III. Kumno phi pynmlien ia ka rukom pyniaid beit halor ka kam pisa?

1. Hikai ia jinghikai ka Ktien U Blei shaphang kawei na ka shiphew (10%)

“Shisha men ai na kaba shiphew ka kata ka jingmih u symbai jongme baroh.”
- Deuteronomi 14:22

 - Ialam da ka rukom im – long u nongai ia kawei na ka shiphew
 - Pynshlur ia ka jingai ia ki soh nyngkong (**Proberb 3:9**)
2. Pyni nuksa ia jinglong babeit ha ka kam pisa
 - Buh jingthoh bad jingkybmaw ia BAROH kaba mih bad ki jingpynlut
 - Siew shuwa ia ki ram jongphi nyngkong
 - Pynkhreh lypa ia ki rukom leh ban audit bad peit bniah ia ka kam pisa balang

3. Shaniah ha u Blei ban pyndap ia ki jingdonkam jongphi
 - Un ai haphi ia kaei kaba phi donkam
 - U Blei u sumar ia la ki brieve

“To hukum ia kita kiba riwspah ha kane ka pyrthei ban ym sngewmeng lane ban ym kyrmen ha ka jingbymthikna ka spah, hynrei ha U Blei, uba ai kyrhai hangi ia kiei kiei baroh ia ka ban pyndonkam sngewbha ia ki.” - 1 Timothy 6:17
4. Shah ia ki dkhot balang ba kin peit ia ki kam pisa jong ka balang
 - Wat nym buhrieh ia ki kam pisa na ki dkhot balang jongphi
 - Long kiba plie bad hok shaphang baroh ki jingmih bad jingpynlut

IV. Kiei ki jingmyntoi jong ka rukom pyniaid beit bad bha ia ki kam pisa?

1. Phi tei kein ia ka jingshaniah jong ki dkhot balang jongphi
 - Lada ki shaniah iaphi ha ka pisa, kin shaniah ruh ha kiwei pat kiei kiei
 - Ki dkhot balang kin kham shaniah iaphi bad kin bud ruh iaphi
 - Ki dkhot balang jongphi kin shaniah iaphi bad pynkhamti ia ki kam pisa kiba kham heh haphi
2. Phin kiar na ki jingeh kiba ktah bad kiba lah ban mih
 - U Soitan un nym lah ban pynshoi iaphi
 - Ka jinglalot kan nym lah ban pynliem iaphi
 - Phin lah ban long khuid bad hok bad ka nuksa babha sha ka kynhun jongphi
3. Phin sa ioh nang kaei ba ka bor jong U Blei ka lah ban leh
 - Phi dei maphi ban ioi nyngkong kumno ba U Blei u pyndap ia baroh ki jingdonkam
 - Phin lah ban nang san ha ka ban shaniah ha ki Jinkular jong U
 - Phin sa nang ban wad nyngkong shuwa ia U

“Hynrei phin ia wad shuwa ia ka hima U Blei, bad ia ka hok jong u; te ia kine kiei kiei baroh yn sa ai lang tam haphi.”– Mathaios 6:33

Ka Jingpynmlien Ban Pyniaid Beit ia ka Kam Pisa

**Jer ia kiei kiei kiba phi lah ban leh mynta ka sngi khnang ban pynbha ia ka rukom pyniaid
beit ia ki kam pisa:**

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____

Lynnong 11

Kaba Pyniaid Beit Ia Ka Por

“...bad ka dohnud u riewstad ka ithuh ia ka por bad ia ka jingbishar, Namar ia ka jingthmu baroh don ka por bad ka jingbishar ...” Ekklesiastis 8:5-6

Kam pher ka kam lane ka jait jingtrei aiu ba ngi baroh ngi jied lane ba la ialam kumta, ngi baroh ngin ia pyrshang ban pyndep ia ka thong da ki lad bad ka por ba ngi don ha ka bor jongngi. Bad wat la ngi lah ban thied ne pynioh ia ki lad ki lynti, ka por ka dei kata kaba ngim lah ban thied lane pyndap biang. Shisien ba ka por ka la leit, ka la leit syndon sha bymjukut. Ym lah ban pyndonkam biang bad ym lah hi ruh ban ioh biang ia ka. Namarkata, ngi dei ban phikir bha kumno ngi pynlut ia ka por jongngi bad kaei kaba ngi pyndonkam ia ka. Ngim tip thikna ruh sa katno ka por ngi dang don bna pyndonkam. Kumba ngim tip lano U Trai un khot noh iangi sha iing, ka long ka donkam ba ngin pyndonkam hok ia ka por ba la ai hangi bad pyndonkam ruh kum kiba stad ia ka. Don shibun ki kot kiba la thoh shaphang ka rukom pyniaid ia ka por bad ngi don jingmut ban ai haphi ia khyndiat ki jingiohi ia ki katto katne ki nongrim bad rukom ki ban iarap iaphi ban pyniaid beit ia ka por ha ka rukom kaba seisoh. Ha kane ka lynnong ngin ia peit ia ka jingdonkam jongka jingpyniaid beit ia ka por, ki katto katne ki nongrim ia ka rukom pyniaid beit ia ka por, kumno ban buh ryntih ia ka por jongphi bad pynioh ia 2 tylli ki atiar kiba donbor na ka bynta ka jingpyniaid beit ia ka por.

I. Ka Jingdonkam Ban Pyniaid Beit Bad Ryntih Ia Ka Por Jongphi

1. Ka iarap iaphi ban pyndep shibun ki kam jong ka
 - Ka iarap ia phi ban pyndep ia kaei kaba phi la buh beit ban leh
 - Ka iarap ia phi ban pynleit jingmut ha ki kam badonkam eh
 - Ka dei ka por ba la pynlut thikna, kaba wanrah ia ki jingmih kiba khambha
2. Ka pyllait na ka jingpynsepei ia ka por

“To khmih bha te kumno phi iaid, ym kum ki bym stad, hynrei kum kiba stad; da kaba siewspah ia ka por, naba kine ki sngi ki long kiba sniew.”
– **Ephesos 5:15-16**

 - Phin nym pynlut than ia ka por ban trei ia ki kam ki bym da shah eh ha khmat
 - Phin sngewthuh shai ia ka por ka bym don jingmih eiei
 - Phin nym pynsepei kai ia ka por ban rai sa kaei pat ban leh
3. Kan pynlah iaphi ban pyndep ia ki kam kiba la buh por ban kut
 - Kan pynkynmaw iaphi ia ka por ba la buh beit bad ia ka por ban kut kumta ba phin nym duh ia ki.
 - Ka pynlah ia ka jingiaid kaba jai shaduh ka thong
 - Kan pynlah ia ki jingkam jongphi ban buh beit bad ryntih

4. Ka iarap ban pynduna ia ka jingktha khlieh ia ka kam
 - Ka pynduna na ka jingklusai ioh kum klet eiei kaba donkam
 - Ka pynkhlain bad aibor iaphi halor ki kam bad ki jingpynbeit kam
 - Ka pynioh iaphi ia ka por ban leh kmen bad shongthait ruh
 - Bret ia kiei kiei baroh bad ai ba U Trai un ialam!
“To shongthait ha u Trai bad ap shah slem ia u.” – Salm 37:7
“To sngap bad to tip ba nga long U Blei.” – Salm 46:10
5. Ka pynioh por iaphi ban long lakloi haba ka donkam iaphi
 - Ka pynlah iaphi ban pyntyllun ia ki jingeh kiba shipor
 - Ka pynthikna ba pynbeit shuwa ia ki jingeh kiba hakmat ha ka por ba biang

II. Ki Nongrim halor ka Jingpyniaid beit ia ka Por

*“To minot eh ha kiei kiei, to aiti lut ialade ha ki ba kata ka jingroi jongme
 kan ioh paw ha baroh.”*
1 Timothi 4:15

1. Pynbeit ryntih ia ki jingkam jongphi
 - Kat kum ka jingdonkam jongka
 - Kat kum kano ka por ba donkam ban leh
 - Kat kum ki jingaiti jongphi
2. Buh beit ia ki kam kiba thikna
 - Haba donkam ban pyndep ia ka kam
 - Katno ka por ban ai sha kata ka kam
 - Mano ba donkam ban leh ia kata ka kam
3. Thep lang ia ki kam kiba ia syriem ne long kumjuh
 - Pynrung lang sha ka kynhun ia ki kam khnang ba kan kham khlain
 - Ki Jingiaphone, ki mail
 - Ki por jong ka jingiasyllok
 - Ka Sermon bad ki jingpynkhreh ia ka jinghikai
 - Ki jingialang (Meetings)
 - Wat shu kynthih na kawei ka jait kam sha kawei pat
 - Ka long kaba lah ba phin klet peit sha ka thong
 - Phi lah ban klet ia kaei kaba phi la dep leh
 - Phin nym lut than ka por ha ki jingkylla
 - Kaba bun ka por ka lah shu lut haba phi bujli na kawei ka kam sha kawei pat
 - Shisien ba ka kam ka iaaid beit, kan kham lah shibun lada ka iai iaaid kumta

4. Buh beit ia ki jingrai jongphi man ka sngi
 - Buh teng shuwa ia ki rai kiba lah ban leh hadien
 - Aiti ia ki rai sha kiwei pat kiba kham bit bad kham lah ban leh ia ki
 - Pyndep noh ia ki jingeh kiba donkam kyrkieh ia ka rai jongphi
5. Pynjynsur ia ki kam ba man la ka sngi jongphi
 - Wat shna ki kam ki shu donkam beit man ka minit
 - Khmih lynti ia kata ka bym shym poi pyrkhath ba kan wan bad mushlia ia ka por jongphi
 - Shah ba ka don ka por shongthait bad por bam
 - Ai ba U Blei un wanrah ki kabu ki ban pynkylla ia ka rukom pynbeit kam jongphi
 - Lyngba ka lad jong ka jingshakri kaba thymmai
 - Lyngba ki jingiohi kaba thymmai
6. Pynbeit kloia ia ki jingpynthut
 - Ieh shuwa ia ki jingpynthut kiba lah ban pynbeit pat hadien
 - Sngap bha ia ka jingeh bad rai la ka dei ban pynslem, ban aiti lane ban rai
 - Lada phi lah ban pynlong ka rai kaba stet, leh kumta tangba iaid noh shakhmat

III. Kumno Ban Pyniaid Beit Ia Ka Por Jong Phi

1. Pynbeit bha ia ka sngi jongphi
 - Buh ryntih ia kiei ban leh
 - Pynthikna kaei ba dei ban pyndep mynta ka sngi
 - Pynthikna kaei ba dei ban leh ha kane ka sngi
 - Pynthikna kaei kaba dei ban rai mynta ka sngi
 - Pynthikna sa kaei kaba phi kwah ban leh mynta ka sngi lada phi ioh por
 - Pynbeit thikna ia ka thong bad ki kam ba ha khmat eh
 - Tip kaei kaba donkam tam
 - Tip ka thong aiu ba phi dang trei mynta
 - Leh shuwa ia kiei kiei kiba donkam
 - Plan na ka bynta ki por shongthait – Ka met bad jingmut jongphi ki donkam ban shongthait man ka por
 - Buh jingmut ia ka por ba seisoh tam jongphi nangta sa pyndep ia kiei kiei kiba donkam tam
 - Wat nym pynlong ki rai kiba donkam ha kaba kut jong ka sngi haba phi la thait
 - Pynbeit ryntih ia ki kam ki bym da donkam than ha ki por ba kham duna kam (hadien ba dep bam ja bad kumta ter ter)
2. Long kiba tbit

- Pyntip (call) ia baroh ha kajuh ka por
 - Pynioh ia ka por ba khlem don ba pynwit na ka bynta ka por jong ka jingpule lane pynkhreh khubor
 - Kiar na kaba pynpoi sha ki kam ki bym da donkam eh lane ki jingialeh makynti
 - Leh ia kaei kaba *dei* ban leh mynta ka sngi
3. Wat pynlut por ha kiei kiei kiba kiwei pat ki lah ban leh
- Pynkhamti ha kiwei pat ki nongialam kiba shim khia, lada long kaba lah
 - Kiar ban leh kiei kiei kaba kiwei ki dei ban leh lait noh tang haba donkam eh ban leh
 - Ka don ka jingong na mynbarim– “Leh bha iano re iano te kan sa kylla long ka kam jongphi” (nuksa- Kiei kiei kiba rit ba hi leh ia kiwei ki lah ban kylla long ki jingmlen kiba eh ban pynsangeh)
4. Pyniaid beit ia ki jingialang kiba donkam
- Bsuh lang ia ka jingpuson bad jingduwai ba yn ialam iaphi
 - Barobor pynkhreh lypa ki mat jingiakren
 - Kiar ia ki jingiakren ki bym don ha ki mat ban ia kren
 - Namar ba ki briew kim shym la pynkhreh ban ia kren ia kata ka kam
 - Namar ba kin nym buh jingmut ia ka phang jong ka jingiakren
 - Pynneh kat kum ki mat ba la buh ban ia kren bad ha kata ka por ba la buh
 - Ìakren tang ia ki jingai jingmut bad jingkynthoh kiba lah ban rai
 - Wat nym pynlong ki jingiakren lynda phi kwah ban ioh jingmut
 - Kan iarap ia ka jingialang ban peit beit sha ki phang ba kongsan
 - Kan pynlah ia ki jingiakren ban poi sha ki jingrai
 - Ai ki jingthoh ba kin pyndep
 - Ka tei ia ka jinglong trai bad jingiatrei lang
 - Ka pynlong ia baroh ha ka jingialang ban shim khia
 - Ki dular jingiakren, ki jingrai bad jingiamynjur lyngba ki Rai jong ka Jingialang
 - Buh jingthoh ia kaei kaba la ìakren
 - Buh jingthoh ia kaei kaba la ia rai lang
 - Buh jingthoh ia ka jingai kam ba ki briew ki ia mynjur lang

IV. Artylli Ki Atiar Na Ka Bynta Ka Jingpyniaid Por Kaba Trei Kam Bha

1. Shna ia ka Sla Buh Por (lane pyndonkam ia ka almanac ba man ka sngi lane man ka bnai)
- Pyndonkam ia ka ban wad ia ka por hagdeng ka taiew lane ki jingjia ba la iabuh
 - Ka iarap iaphi ban iit bniah haei phi pynlut ia ka por jongphi
 - Ka lah ban pyndonkam ban pynkhreh ia ki kam ha ka taiew

2. Shna ia ka jingbuhbeit ia kiei ban leh
 - Kan iarap iaphi ban pynbeit kam ha ka sngi, taiew lane bnai
 - Phin ioh ban pyndep nyngkong ia ka kam jingshakri kaba kham donkam
 - Ka iarap ban kiar na kaba klet ia ki kam bad jingkut jingmut kiba donkam

Ka Jingpyniaid Beit ha Ka Ban **Pynmlien Ia Ka Por Jongphi**

Pyndonkam ia ka Jingpynbeit kam ba shisien Shitaiew ba la pyni harum bad khang noh ia ka por ba hi tip kum ki sngi bym trei kam, Bible Study, Jingpynkhreh Khubor, Jingiaseng bad kiwei kiwei na ka bynta ka taiew ka ban wan. Ia ka por basah phi lah ban pyndap kat kum ki jingdonkam ba hi don.

Ka Por	Sngi Nyngkong	Sngi Ba Ar.	Sngi Ba Lai	Sngi palei	Sngi Thohdieng	Sngi Saitjain	Sngi U Trai
8:00 am							
8:30							
9:00							
9:30							
10:00							
10:30							
11:00							
11:30							
12:00 pm							
12:30							
1:00							
1:30							
2:00							
2:30							
3:00							
3:30							
4:00							
4:30							
5:00							
5:30							
6:00							
6:30							
7:00							
7:30							
8:00							
8:30							
9:00							
9:30							

Ka Nuksa Ban Pyniaid Beit Ia Ka **Por Jong Phi**

	Monday	Tuesday	Wednesday	Thursday	Friday	Saturday	Sunday
8:00 am		Phone calls		Bible study		Kam ñng	
8:30		Phone calls		Bible study		Kam ñng	
9:00		Jingtrei		Bible study	Jingiasyllok	Kam ñng	Jingmane
9:30		Jingtrei		Bible study	Jingiasyllok	Kam ñng	Jingmane
10:00		Jingtrei			Jingiasyllok	Kam ñng	Jingmane
10:30		Jingtrei			Jingiasyllok	Kam ñng	Jingmane
11:00							Jingmane
11:30							Jingmane
12:00 pm	Por Bam	Por Bam	Por Bam	Por Bam	Por Bam		Por Bam
12:30	Por Bam	Por Bam	Por Bam	Por Bam	Por Bam		Por Bam
1:00				Jingleit jngoh			
1:30				Jingleit jngoh			
2:00			Pynkhreh khubor	Jingleit jngoh			
2:30			Pynkhreh khubor	Jingleit jngoh			
3:00			Pynkhreh khubor				
3:30			Pynkhreh khubor				
4:00							
4:30							
5:00	Bam jamiet	Bam jamiet	Bam jamiet	Bam jamiet	Bam jamiet		
5:30	Bam jamiet	Bam jamiet	Bam jamiet	Bam jamiet	Bam jamiet		
6:00							
6:30							
7:00		Meeting				Pynkhreh Sunday	
7:30		Meeting				Pynkhreh Sunday	
8:00		Meeting				Pynkhreh Sunday	
8:30						Pynkhreh Sunday	
9:00							
9:30							

Lynnong 12

Kaba Pyniaid Beit Ia Ki Jingtip

“Ki briew kiba stad ki kynshew ia ka jingtip”
Proberb 10:14

Kawei na ki jingdonkam ba la peit lyndet ha ka balang ka dei ka jingtip. Kane ka lah ban long ka jingtip halor ki dkhot balang lane ki jingtip shaphang ka jingshakri, ki jingkam lane ki jingdon jingem. Ka don ka spah bah jong ki jingtip kiba don bad ngi ki ban iarap iangi ha ka kam jong ka jingshakri ba la khot iangi bad ka long kaba donkam ban tip haei kata ka jingtip ka don lane kumno ban ioh ia ka. Ki katto katne ki jingtip ki dei kiba ka blang ka dei ban lum bad buh bha da ka balang, khamtam eh ki jingtip ia ki dkhot bad ki kam jongki lane ka jingai, bad kiwei. Kiwei pat ki jingtip ki don lut mynta ha ka internet lane ha ka library lane jaka buh kot. Ban pynioh ia ka jingtip kaba ngi donkam ha ka por babiang, ngi dei ban pynbiang lypa lane ban tip naei lah ban ioh ia ka. Kane ka dei kata ka jingpyniaid beit ia ka jingtip. Ka Komputor ka long kaba biang bha ban leh ia kane, hynrei phim donkam ban da don Komputor ban thep ia ka jingtip. Phi lah ban pyndonkam da kiwei pat ki rukom kiba trei kam kham bha. Ha kane ka lynnong ngin ia peit ia ka jingdonkam jong ka jingpyniaid beit ia ki jingtip, katto katne ki nongrim jong ka jingpyniaid beit ia ka jingtip bad kumno ban lum thup na ka bynta ka jingpyndonkam ha ka lawei jong ka kam jingshakri.

I. Ka Jingdonkam Jong Ka Jingpyniaid Beit Ia Ka Jingtip

“U briew basian baroh u trei da ka jingtip”
Proberb 13:16

1. Ka pynroi ia ka jingtip jongphi shaphang ki jingdon kiba don hapoh ka bor jongphi
 - Ka jingtip ia ki jingai bad jingtbit jong ki dkhot jongphi
 - Ki jingtip ia kiei pat ki jingdon jingem jong ka balang (ki kot, ki videos, Bibles studies, bad kiwei pat.)
 - Ki jingtip halor ki kam bad jingshakri jong ka balang (mano, kaei bad hangno)
2. Kan pyllait na ka jingpynsepei ia ka por ha kaba wad ia ki jingtip
 - Phim donkam ban pynlut por shibun ha kaba wad ia ki kot ki sla badonkam
 - Phin tip shano ban leit na ka bynta kino kino ki jingdonkam kiba iadei bad kata
 - Phim donkam ban khot ia ki briew ban ioh ia ka jingtip ba phi wad
3. Kan iarap iaphi ban pynlong ki rai kiba khambha
 - Ka jingbha jong ki rai kan shong eh kat kum ka jingtip ba la bsuh ha ki
 - Bunsien ka long kaba donkam eh ban ioh ia ki jingtip haba donkam ia ki
 - Kaba tip ka long barabor kaba khambha ban ia kaba shu antad

4. Ka long kaba donkam eh ban pynkhreh thikna
 - Ka jingbha jong ka jingpynkhreh ka shong eh ha ka jingtip kaba la bsuh hangta
 - Ka jingduna ka jingtip kaba thikna ka ialam sha ka jingmih ka bym sngewhun
 - Phim lah ban pynkhreh ia kaba phi khlem tip
5. Ka pynlah iaphi ban iohi ia ki lad ki kabu na ka bynta ka jingshakri
 - Kaba tip ia kaei kaba phi don ka pynlah iaphi ban wanrah kiei kiei kiba thymmai
 - Ka pynlah iaphi ban beh sha ki kabu na ka bynta ka jingshakri
 - Ba la pynshong nongrim halor ka jingtip ia ka jingai bad jingshit rhem jong ki dkhot
 - Ba la pynshong nongrim halor ka jingdonkam jong ki brieve

II. Ki Nongrim Jong Ka Jingpyniaid Beit Ia Ki Jingtip

“To iaia bad ki brieve kiba stad te men long uba stad.”

Proverb 13:20

1. Lum lang bad buh bha tang ia ki jingtip kiba phi kwah lane donkam
 - Ki jingtip kiba donkam ban pynlong ki rai
 - Ki jingtip kiba donkam ban pyntyllun ia ki kam ka balang
 - Ki jingtip kiba donkam ban iarap ia ki dkhot ba kin shem ia ka bynta jongki ha ka balang
2. Pynthymmai ia ki jingtip man la ka por
 - Ki jingtip ki tymmen kloia palat bad teng teng ki iahap shuh bad ka por
 - Pynbha ia ki rukom ban lum jingtip
 - Ki kot thoh kyrteng ha klas
 - Ki kot na ka bynta ka jingtip ia ki dkhot bathymmai
 - Pyndonkam ia ki nongialam balang ban lum jingtip
 - Ki ba ia shim bynta ha ka kam jingshakri
 - Ki jingmih lane ki kam ba paw jong ka jingshakri
 - Pyndonkam ia ki kot pynthymmai ba shisien shisnem ia ki dkhot balang
 - Ka jingkylla jong ki jaka sah
 - Ki Phone Number bathymmai, ki email address
3. Iada ia ki jingpyntip ba shimet
 - Wat ju pynmih lane shon ia ki jingpyntip jongno jongno khlem ka jingmynjur jong kita ki dkhot
 - Buh bha ha ka duli ba la khang tala
 - Peit bha ia ka jingiaada ia ki jingpyntip ba shimet
4. Buh bha ia ki jingtip khnang ba lah ban ioh da kaba suk ha kano kano ka por
 - Da kaba pyntreikam (Phang, jingthmu, jingpyndonkam, bad kiwei.)
 - Da ka jingshakri
 - Da ka kyrteng jongki dkhot

5. Don ia ka jingpynkhreh ban pyndonkam ia ki jingtip
 - Wat shu lum jingtip khlem ka jingpynkhreh na ka bynta ban pyndonkam ia kata
 - Tip ia ka jingthmu na ka bynta kawei pa kawei ka jait jingtip ba la ioh lum
 - Lada phim donkam ia ka, wat lum lane pynrung ia kata
6. Pyniaid beit ia ki jingtip
 - Wat shu antad ba la dep lum lane buh bha
 - Peit ba ka dang biang kat kum ka por
 - Peit thikna man ka por ia kaei kaba phi donkam ban pynrung ha ka thup

III. Kumno Ban Pyniaid Beit Ia Ki Jingtip

1. Pyrkhath bha ia ka jingtip ba phi kwah lane donkam
 - Ki dkhot balang
 - Ki kam balang
 - Ki jingdon jingem jong ka balang (ki kot, ki kamra, ki tiar ki tar, bad kiwei)
 - Ki jingdon na ka bynta kiwei (ki hotels, Kamra Konpherens, Ki nongwanrah tiar , bad kiwei)
2. Lum bad thep ia ka jingtip halor ki dkhot balang
 - Ki kyrteng jongki, jaka shong & ki lad jingpyntip ia ki (phone, email)
 - Ki jingai bakynja mynsiem jongki
 - Ki jingtbit bad ki jingshemphang jongki
 - Ki jingshakri balang bad ki jingiadei jongki
3. Lum lang bad buh bha ia ki jingtip halor ki kam balang
 - Ka jingwan jingiaseng
 - Ka jingwan sha ki Bible Klas
 - Ka jingwan sha ka jingialum jongki kynhun barit
4. Shna ia ka rukom pyniaid na ka bynta ban buh thikna bad lap ia ki jingtip kiba donkam
 - Hangno la thep ia kine ki jingtip (computer lane ha ki jingthoh ba la buh bha)
 - Ki Site Internet kiba donkam
 - Mano ba don ia ka jingtip
5. Shna ia ka jingpynkhreh ha ka ban pyndonkam ia ki jingtip
 - Ka jingtip aiu kaba dei ban lum
 - Ka jingthmu aiu ba ka don na ka bynta kawei pa kawei ka jait jingpyntip
 - Mano ban bahkhlieh na ka bynta ban lum ia ki jingtip
6. Bynshet hano hano ia ka jingbahkhlieh ban pyniaid beit ia ki jingtip
 - Ka jinglum ia ki jingtip ka dei kaba iai ia id shaphrang
 - Pynioh ia ka tyllong pdeng na ka bynta baroh ki jingtip
 - Pynlah ia ka jingpynkhreh bad jingpynbiang kaba thikna

Ka Jingpynmlien Ia Ka Jingpyniaid Beit Ia Ki
Jingtip

Pyndonkam ia kine harum ban shna ia ka buit ban lum Jingtip na ka bynta jongphi lane ka jingshakri jongphi:

Ki jingtip ban lum	Ka Jingthmu	Mano ban lum?	Kumno ban lum?